


2345

R
467







R. 46y.

2

+

69





DÆMONOMANIA
PISTORIANA.

MAGICA ET CABALISTICA

morborum curandorum ratio,
à Ioanne Pistorio Niddano, Medicinæ quondam, nunc Theologiæ
Papisticæ Doctore, ex lacunis Iudaicis ac Gentilicis hausta, post Christianis propinata.

Cum Antidoto prophylactico

IACOBI HEILBRONNERI,
Doctoris Theologi.



Excusa Lauingæ typis Palatinis, Anno M. DCI.



ILLVSTRISSIMO
PRINCIPI AC DOMI-
no, Domino FRIDERICO, Ducī
VVürtembergico & Teccio, Comiti
Montisbelgardi, Domino in Heidenheim,
Domino suo clementissimo.

Illustrissime Princeps,
Domine Clementissi-
me. Posteaquam Io-
hannes Pistorius Niddanus,
Protei et Eccebolisophistæ in-
star, formas se vertit in õnes:
ex Medico vir politicus, ex
politico Theologus, ex Luthe-
rano Calvinianus, ex Caluini-
ano Pontificius factus: Eccle-
siæ tandem illius, ad cuius ca-
stra, relictis et abnegatis prio-
ribus,

bus religionum generibus, concessit, patrocinium vel defensionem suscipere aggressus est: magni nominis Theologis certamen in causa religionis indicxit: quos cum promptos paratosq; esse animaduertit, tergiversari coepit: cum de Ecclesia Christi militate, eiusdemq; notis ex sola Scriptura sacra, ut postulauerat, et pollicitus fuerat, disputandum esset, ipse de Dialectica litem mouit; gladium illum Spiritus splendide ostentatum, nunquam in manus sumsit, nec ad eius usurpationem
ad-

aduersarios admisit, donec ludificatis non tam Theologis, quàm Principibus, cæterisque spectatoribus, colloquium suo arbitrio abruptit, & quod pro- uerbio dicitur, abiecta hasta, barena cessit.

Libros deinceps de spiri- tibus Lutheri virulentissimos scripsit, pauciores tamē, quàm promiserat: quibus doctrinam et personam ipsius omnibus ex- osam reddere conatus fuit.

Vnde scurra ille Ratispo- nensis, Ccnradus Vetterus Ie- busita: qui, ut merces suas pu- tridas

tridas & venenatas facili9 ex-
trudat, Conradū Andreae, Ia-
cobi Andreae beatæ memoriæ,
fratrem germanum se vocat,
chartas suas de eodem Luthe-
ro hincinde volitantes, magna
ex parte depromsit, mendaci-
js & calumnijs plus quàm dia-
bolicis refertissimas, quibus se
multi oblectant, de q̃ illis, parte
altera inaudita, iudicium &
sententiam ferunt.

Alia quoq; scripta in lu-
cē emisit Pistori9, quib. non tã
Ecclesiam orthodoxã, celebrẽ
illam confessionem, quam Au-
gusta-

*gustanā vocant, in Imperio R.
concessam & approbatā, eius-
demq̃ antistites pro virili oppu-
gnat, calumniatur, insectatur,
quām omnes à se dissentientes,
sub nomine & appellatione
Ϡ Ϡοῖσις, ad monomachiā vocat,
sibiq̃ fortiter imaginatur, se v-
niuersæ turbæ Theologorū or-
thodoxorum, quos Pontificij,
Prædicantes vocare cōsueve-
rūt, esse formidab. ita vt secum
nemo prorsus in harenā descē-
dere ausit, haud secus ac gygas
ille Goliath toti exercitui Is-
raël terrorem incussit, id quod*

alij quoq; ex castris illis contra
Christum eiusdemq; Ecclesiam
militantes, de ipso sentiunt &
scribunt.

Beatam igitur putant se-
dem & Ecclesiam Romanam,
quæ tantum nata sit Atlantē,
qui vel solus labascentem Ec-
clesiam fulcire & instaurare,
quin etiam à Luthero & alijs
reuelatam meretricis Babylo-
nicæ turpitudinem, splendida
quadam veste contegere, imò
meretricem impudentissimam
in virginem purissimam & ca-
stissimā transformare queat.

Mir.

Mirantur interdum bo-
ni quoq³, unde homini Medico,
politico, πολυπράγμονι, tanta sa-
pientiae & eruditionis opinio,
tantaq³ confidentia plus quàm
Herculeæ. Nam μινδ' Ἡρακλῆς
πρὸς δ' ὧν ne Hercules quidem, ob
fortitudinē pro Deo habitus,
aduersus duos par esse dicitur.
Et de Ænea scripsit Homerus
Iliad. 5.

Ἀνείας δ' ἔμειν βόθ' πορείῳ πολέμῳ,
ὧς ἔειπε, δύο φῶτε παρ' ἀλλήλοισι μένοντε.
Haud stetis Æneas, alioquin strenuus armis,
Conspexit simul atq³, duos consistere iunctos.

Hic verò multis simul cer-
tamē offerre non dubitat: hic
ante prælium certam sibi pol-
lice-

licetur victoriā. Hūc sibi ducē
& antesignanū ipsi lebus ita, e-
ruditionis alioquin singularis
opinionē turgidi, constituunt.

Hæc res occasionem mihi
dedit, de studiis & actionibus
ipsius pristinis paulò acrius in-
quirendi: cumq̃ certior factus
esset, ante aliquot annos, cū
medicam artē exerceret, libel-
lum ab ipso scriptū ac typis e-
uulgatū esse, qui magiā saperet
non destiti, donec exemplum
quoddā istius libelli nactus sum.

Quo perlustrato, deprehēdi
inter alia, super peculiari quo-
dam

dam capite, admirabile quādam,
quam ipse vocat, potētiam, ad
morborū curationē, in VER-
BIS ET NOMINIBVS
quibusdam positam, eamq̃ ita
cōparatā, ut publicē doceri nō
debeat, de qua obscurē loquen-
dum, imō tacēdū sit, ne deuore-
tur ab Azazele per iudicij pro-
prietatem. Vidi in obscura illa
imagine vel delineatione, scalā
quandā, interuallis graduū di-
stinctam, quos magna contēti-
one Angeli sursum deorsumq̃
transcendant, quibusq̃ varia
imponantur nomina. Descri-
ptos animaduerti tres Hori-

Horizontes, Horizontem, in-
quam, temporis, & infinitæ æ-
ternitatis: Horizontem æter-
nitatis temporalis: Horizon-
tem mūdi super supremi, qui o-
mnes desināt in ΕΝΣΟΡΗ,
à quo usque ad hominē sint 50.
Intelligentiarum portæ, unde
visquædam admirabilis in vo-
ces emanet, omnipotentie di-
vine radius quispiam singula-
ris, virtus ~~ποικιλία~~ in nos ab An-
gelis ministris deducta. Sē-
sus nonnullos in dictis quibusdā
sacris, præsertim verò in nōine
Dei ~~ἡ~~ quod ~~παραγγέλλει~~ vo-
cat,

rat, latere didici. Vidi trigin-
ta duas semitas à Iudæorum
maioribus Rabinis Cabalæ is
traditas. Percepi magiæ &
Cabalæ Iudaicæ commendati-
onem, quam totam (quod in-
primis de homine, quem Chri-
stianum esse aut fuisse opina-
bar, auditu mirū mihi videba-
tur) solus Messias perceperit.

Quandoquidem verò res
istæ magna ex parte antehac
mihi fuerunt incognitæ, nisi
quod de Cabalisticis et Schem-
hamphoristicis Rabinorū nu-
gis ac blasphemijs, præsertim
verò

verò, quomodo Iesu Nazare-
nus per artem illam in Sancto
Sanctorum repertam, miracula
edidisset, quidam lectione perce-
peram; libros quosdam, à quorum
cōspectu alioquin haud imme-
ritò semper abhorruì, & Caba-
listicos aliunde conquisitos, nō
sine negotio inspexi, legi, donec
magicam illam & Cabalisticā
curandi rationem, obscure ad-
modum à Pistorio proditam,
& metu Azazelis magna ex
parte occultatam, aliquantò
clariùs perspexi.

Animaduerti ipsum disci-
plinam

plinam Cabalisticā magna ex
parte ex Iohannis Reuchlini
vel Capnionis Phorcēsis L. L.
Doct̃oris, scriptis & bibliotheca
Iudaica, Pforzheimij asser-
uata, hausisse. Ille .n. nō tantū
Rabinorum somnia Cabalisti-
ca Año 1517. tribus libris com-
plexus fuit, Leoni X. Pontifi-
ci Romano dicatis, sed charta-
ceam quoq; rei suæ familiaris
penuriam, quam vocat, aperu-
it, ac Rabinorū libros, ex qui-
bus illa collegerit, ordine ostē-
dit, quibus postremo loco accē-
set librū quēdam Salomoni, no-
mine Razielis, inscriptū, qui
sit fictio magica.

Esse

Et si verò de scriptis Ca-
pnionis illius, præsertim verò de
Cabala & speculo illius ocula-
ri, acris fuit & diuturna eo tē-
pore controuersia, à Iacobo po-
tissimum Hochstratensi, artiū
& Theologiae professore, hæ-
retica prauitatis per Coloniē-
sem, Moguntinensem & Tre-
uirensem prouincias inquisito-
re: Iohāne quoq; Pfefferkorn-
io, ex Iudaismo ad Christia-
nismum cōuerso, qui de abolē-
dis quibusdam Rabinorum li-
bris, à Maximiliano I. Roma-
norum Imperatore ex castris

Pa.

*Patauinis Anno 1509. man-
datum acceperat, excitata:
ego tamen, quantum ad Caba-
lam attinet, viro alicquin do-
ctissimo, & de Republ. Chri-
stiana præclare merito, qui se
primum omniū linguam Græ-
cam in Germaniam reduxisse,
& Ecclesiæ vniuersali artē ac
studia sermonis Hebraici con-
donasse atq; tradidisse scribit,
nihil detractum volo: sed pro
eius defensione mihi sufficit,
quod ex toto contextu, in for-
ma dialogi scripto, animad-
uertit, ipsum Pythagoræ, quem*

)()(

S. Chry-

S. Chrysostomus Magum fuisse scripsit, & Rabinorum de Symbolica Philosophia & Cabala opiniones duntaxat, citra sententiæ suæ interpolationem, referre voluisse, quo nomine prædicto Leoni se excusavit.

Nec sanè totam illam artem, per verba & nomina quædam, morbos curandi, in illo Capnionis Dialogo expressè vel speciatiim positam reperi, sed quædam ex alijs quibusdam libris magicis deprompta

prompta fuisse deprehendi.

*Inter alia verò, tan-
quam in speculo contemplari
mibi videbar Pistorianæ me-
dicationis, nec non sapientiæ,
vel potius Sophisticæ, Do-
ctores ac Præceptores, non
tàm Rabinos, quàm Angelos.*

*Posteaquam enim Simon
Judæus Cabalistarum dogma-
ta de quinquaginta portis in-
telligentiæ, & duabus atque
triginta semitis sapientiæ, or-
dinè & nominatim recensuit,
addidit, rem illam maximam*

*Art. Ca-
bal. lib. 3.
fol. 55. b.*

)()(2 vim

vim habere ad cohortandum
nos, ut fermè semper cum An-
gelis versemur in contempla-
tione summarum & diuina-
rum rerum, quibus si familia-
res esse cœperimus, nihil nobis
fore aut dictu aut factu diffi-
cile. Familiaritatem eam con-
ciliari per literas, quæ illorum
munus sint. Si enim viginti
duæ literæ adhibeantur decē
numerationibus Belima, silen-
tio dignis, illudq; literarū col-
legiū quinquaginta portis di-
ligenter applicetur, inde se-
ptuaginta duorum angelorum
felicem

felicem seriem comperi, quibus
Semhamphores, id est, no-
men expositorium illud magnū
summi DEI constare perhi-
beatur. Nam viginti duo ad
quinguenta addita procrea-
re LXXII, Hos esse angelos
fortes vniuersæ terræ, per
quos Moses putetur mare usq;
ad siccum diuississe, &c. Idem
refert felicem Cabalistam per
Cabalam, id est, recepti &
crediti semitam, tenebras e-
rumpere & prosilire in splen-
dorem, quo attingat lumen,
& sic à lumine migrare in lu-

lib. 1. fol.
23. b.

)()(3 cem,

cem, & per lucem, quantum
humana mēs capere possit, ve-
rum luminare (ENSOPH)
comprehendere sub modo En-
tis, non autem non Entis :
Cumque frequenter hac via
ad supercœlestia & inuisibi-
lia transferatur, socium fieri
Angelorum, perinde ac si sit
domicilij supercœlestis quidā
inquilinus, cum quibus tan-
quam viarum suarum comiti-
bus, quandoq; ad altiora spa-
tietur, animamq; Messiae vi-
sitet, quandoq; autem ad infe-
riores tam cœlestes, quam cœ-
teras

teras naturæ virtutes angeli-
co ductu, nec tamen sine pro-
pria ratione: Hinc oriri inti-
mam Cabalistæ cum Angelis a-
micitiam, per quam aliquando
nomina diuina ritè cognoscēs,
res admirandas conficiat, quæ
vulgò miracula nominet, quo-
rum operatio Patrum memo-
ria Cabalistis tam fuerit faci-
lis, vt ab inuidis sæpè ignomi-
niosè versuti magici dicti fue-
rint, cùm semper ad salutē ten-
dat Cabalæ artificiū, cōtrā ve-
rò semper ad perditionem ver-
gat magicæ vanitatis venefi-
cium.

lib. 3. fol.
59.

*Idem Simon Iudæus do-
cet: Magistros Cabalæ septu-
aginta duo nomina Angelorū
plurimūm venerari atq; colere,
quibus miranda operentur, &
mirabiliora, quā dicere fas
sit, teste Rabi Mnahem Ra-
canat, qui in commentarijs E-
xod. 14. affirmet, hos chara-
cteres & has literas esse cha-
racteres volantes supernè in
fundamento sapientiæ spiri-
tualis, & esse administratori-
os spiritus seu præfectos ad fa-
ciendum omnem rem per eos,
& operationes eorum esse no-
tas Cabalisticis.* *Cum*

Cum igitur Cabalam illam
Iudaicam ad cœlos usq³ extol-
lat Pistorius, dum eam illu-
strem scientiam, arborem ra-
ritatis, & disciplinam appel-
lat grauissimam, cui ipse bo-
num studium nauarit, quæ ad
admirabilem vel potius prodi-
giosam illam medicinam utilis
sit ac necessaria, quamq³ totam
solus Messiah perceperit; du-
bium non est, quin ipse quoq³
intimã cum septuaginta duo-
bus illis Angelis, quib. Schem-
hamphorasch, vel nomen ex-
positoriũ tetragrammati יהוה

)(X5 consta-

constare, quoq; ipsum Mesia
miracula edidisse à Iudæis per-
hibetur, contraxerit amicitia.

Illorum enim in verbalis
sue medicinæ descriptione ho-
norificam facit mentionem,
quod scalam, per quam in nos
illabatur quatuor literarum
Dominus, graduū interuallis
distinctam Angeli magna con-
tentione sursum deorsumque
transcendant, quodq; inde ab
Ensoph per tres finitores, eo-
rumq; portas quinquaginta, via
vorum admirabilis ab angelis
administris in nos deducatur.

Quid

Quid mirum igitur, si Pi-
storio dictu aut factu non sit
difficile, quod alijs Cabalisti-
cæ & Schemhamphoristicæ
disciplinæ ignaris, ^{αδωvατοv} esse
videtur? Omnes enim non
tam Iudæi, quàm Christiani
norunt & fatentur, creatu-
ras illas spirituales, sapien-
tia, agilitate, potentia, nos
mortales longissimo post se in-
teruallo relinquere.

Cùm autem duplices
sint Angeli, boni & mali,
qui omnes totum mortalium
genu

genus ingenij acumine, agilitate, robore ac potentia longissimè vincunt, proxima quaestio est, an boni vel mali sint angeli, quibus cum artificio Cabalistico familiaritas & amicitia contrahitur?

Hic opus, hic labor est: cum Satanas in angelum lucis se transformare soleat, & eiusmodi arcana varijs velaminibus ænigmaticis circumtecta tradantur, tum quia per multorum satellitum & Caco-demonū manus hæc ipsa trās- ierunt, sicuti Paulus Ricci-

us olim Iudæus Cabalista, post-
ea Christianus in Isagoge Ca-
bastica Augusta Vindelicorū
anno 1515. impressa fatetur.

Præfat.

fol. 2.

Conclus.

22. fol.

18.

Multa autem sunt argumē-
ta, quæ luculenter satis testā-
tur, angelis bonis cum doctri-
na & operationibus illis magi-
cis atque cabalisticis nihil esse
negocij. Inter hos enim &
Iudæos incredulos, quales sunt
& fuerunt Rabini Cabalistæ,
nulla intercedit amicitia aut
familiaritas. Sunt enim λεί-
ψυρικά πνεύματα, ministratorij
spiritus missi propter eos, qui
hæredi-

Hebr. 1.

hæreditatem capient salutis.
Increduli verò Iudæi, salutis
hæredes non sunt, Christo

Mar. 16.

teste: Qui non credit, con-
demnabitur; ideoq̃ angeli be-
ati ad ministeria ipsis præstan-
da à D E O non mittuntur.

Deinde ex Augustino
& alijs scriptoribus Ecclesia-
sticis, quin etiam ex Iure Ca-
nonico, & Ecclesiæ Papisti-
cæ Doctorum antiquorum &
recentiorum consensu, in præ-
senti scripto abundè satis o-
stensum est, quid de Angelis
illis, & occulto vel aperto
homi-

hominum cum illis commercio
sit sentiendum.

Qui his contentus non est, De Ciuit.
Dei, lib.
10. cap.
9. 10.
11.
legat integros tractat9 S. Au-
gustini de illicitis artibus circa
dæmonum cultum, deq̃ theur-
gia, & epistola Porphyrij ad
Ænebuntem Ægyptium, ubi
scribit incantationes magicas,
goëticas, theurgicas, sub nomi-
nibus Angelorū, ritib9 fallaci-
b9 dæmonū obstrictas esse, hęc-
q̃ artē tāquā fallacē, & in ipsa
actione periculosam, & legib9
prohibitā, cauēdā mōet: sordi-
das animarū purgationes (sic
etiā sana-

sanationes) sacrilegis ritibus
factas, Satanae esse phanta-
smata, qui miseras animas
multorum falsorumq; Deorum
fallacibus sacris cupiat irreti-
re, & à vero veri DEI cultu,
quo solo mudentur & sanen-
tur, auertere; totum hoc ad
dæmones pertinere animarum
ludificatores, & voluptaria
sibi ludibria de hominum erro-
ribus exhibentes.

Porphyrus Platonius,
de cuius artibus ibidem dispu-
tat Augustinus, ipse quoq; fa-
tetur, Dæmones aliorum De-
orum

orū facies sibi assumere, De-
os videri velle, ac potestatem
ipsam eis præsentem, DE-
VM maximum velle haberi.
Et Jamblichus Chaldaeus scri-
ptum reliquit, malos spiritus
in similitudinem bonorum sæ-
pè transformari, iactabun-
dosq̃ venire, & supra quam
sunt, sibi arrogare.

Non igitur statim cre-
dendum est, bonos esse Ange-
los, qui pro illis se venditant,
& eorum loco à Judæis ha-
bentur. Hic enim facile nec
sine atroci periculo erratur.

(((

Fidu-

Fiducia quoq³, veneratio
& adoratio, à Rabinis Caba-
lais, Angelis istis tributa,
docet, ipsos à Sanctorum An-
gelorum collegio esse alienissi-
mos. Cabalæi enim, teste
Capnione, fiduciam suam in
illos collocant, eosdem inuo-
cant & adorant. Boni ve-
rò Angeli hunc sibi honorem,
quem soli DEO deberi nô-
runt, tribui non patiuntur.
Apoc. 19. 22. Mali autem
Angeli eundem avidè appe-
tunt, quorum princeps ab ipso
filio

filio DEI, adorationis cultum postulare ausus fuit.

Certum denique est, & apud pios extra omnem dubitationem positum, bonos & Sanctos DEI angelos non iuvare incantationes magicas ac theurgicas, per characteres & literas, vel per voces & nomina quædam, præsertim vero per Tetragrammaton factas. Confirmarent enim superstitionem, idololatriam, incantationem, abusum nominis divini ab ipso DEO prohibitum.

))) 2 Quis

Quis alius igitur operationum istarum autor erit, quam ipse Diabolus eiusdemq; Angeli dæmones?

Sed nec ipsi Cabalistsæ hoc suum cum dæmonibus commercium prorsus celare poterunt. Nunquam enim sic se transformare potest Diabolus, ut nullo prorsus se prodatur indicio. Vbi enim arborem vel numerum ponunt decem proprietatum siue notionum indiuisis, quæ ab illis dicuntur בלימות, hoc est, præter id, vel quod lingua constringendum

*dum sit, tanquam sacrum vul-
gò non prodendum, quæ pro-
prietates Belima singulæ sin-
gulis inscriptæ circulis, dicun-*

Porta
luzis fol.

tur Corona, cui imponitur

1. 41.

ENSOPH, prudentia,

Deart.

sapientia, clementia seu boni-

Cab. lib.

3. fol.

62.

tas, grauitas vel seueritas,

pulchritudo, confessio laudis,

fundamentum, regnum: quæ

omnia nihil habent arcani,

quod vulgò prodendū non sit,

nisi magica quædam, vocibus

illis tributa virtus, occultan-

da videretur: ibi ad latera cle-

mentia & seueritatis ponunt

)()()(: da-

Ibid. fol.
63.

dæmoniacos quosdam (sic enim ipsi vocant) præfectos, triginta quinque principes puritatis, ac septuaginta principes Ismaëlis: In latere grauitatis vel seueritatis ponunt pariter triginta quinque principes reatus, & septuaginta principes Esau.

De principibus, quos auctore Porphyrio, puritatis vocant, quorū inuocatione theurgica animis hominum purgatio promittitur, Augustinus scripsit: Quis non videat, hæc omnia fallacium dæmonum

monum esse commenta, nisi
eorum miserrimus servus, &
à gratia veri liberatoris alie-
nus? Simile iudicium esto de
Principibus Ismaëlis & E-
sau.

Quandoquidem igitur sa-
cro huic demonũ collegio, fa-
miliariq; commercio, inde à
multis annis se adiunxit Pi-
storius, tantum pro ingenij
sui capacitate profecit, ut
verbis & nominibus quibus-
dam, non tam agris sanita-
tem largiri, quam ex tene-
bris lucem, ex luce tenebras,

ex veritate mendacium, ex
malo bonum, ex bono malum
facere, ad quævis aduersario-
rum argumenta, imò ad ipsi-
us DEI oracula luce meri-
diana clariora, sophisticam
quandã calumniam, vel frau-
dulentum ^{νεποφύετον} excogita-
re, de quauis deniq; religione
pro & contra disputare haud
difficulter queat.

Nam dæmones quoq; bo-
stiliter alioquin, ut Augusti-
ni utar verbis, insequentes, in-
terdum sanant, aut potius sa-
nasse videntur, cùm affligere
cessant,

cessant, fallaciter subuenien-
tes, utrobique nocentes: dum
nunquam benefaciunt, nisi ut
gravius inde redundet malū.
Idem sunt in rebus potissimū
diuinis, & peruertendis dictis
sacris, Sophistæ, ut astutissi-
mi, ita exercitatissimi.

Quid verò de cura illa ma-
gica & Cabalistica secundum
ius diuinum & Canonicū (Ius
enim ciuile alijs committo)
nec non secundum orthodoxū
vniuersæ Ecclesiæ consensum
sentiendum sit, præsentiscri-
pto pro mea tenuitate expo-
sui.

)))) 5 An

An colloquio ac disputā-
tione solēni potissimū ac na-
tionali coram Imperij princi-
pibus & ordinibus, uti suadet,
dignus habendus sit homo iste,
non tantum Chamæleōte mu-
tabilior, cothurno versatilior,
sed dæmonomania quoque ex iu-
re & scriptis eorum quoque,
qui eandem quam ipse religio-
nem amplectuntur convictus,
alijs iudicandum relinquo.

Non dubito autem i-
psū maiorem in modum a
me offensum iri. Veritas enim
odium

odium parere solet, praesertim
apud homines gloriae munda-
nae cupidos, & in authorita-
te aliqua constitutos. Me-
minisse autem illum velim sen-
tentiae illius prouerbialis: Qui
quæ vult, dicit, quæ non vult,
audit.

Si impunè illi licet
virum DE I, D. D. Marti-
num Lutherum beatæ recor-
dationis, aliosq; Theologos or-
thodoxos, partim in Domino
beatè quiescentes, partim su-
perstites, totamq; Ecclesiam,
Dominum & Salvatorem
suum

suum ex præscripto colentem,
ac sacrosanctis mysterijs ritè
utentem, horrendis conuicijs
& contumelijs ante hac inau-
ditis laceffere: cur non liceat
nobis ea de ipso dicere & scri-
bere, quæ vera sunt, quæq; ipse
de magia sua demoniaca pa-
lâm sparsit? Cur non trabem
potius ex oculo suo eximit hy-
pocrita, priusquam festucam
in oculo fratris aspiciat, aut
reprehendat? Si quid simile
de Theologo quodam Confes-
sionis Augustanæ cognosceret,
bone DEVS, quas in illum

&

Et nos omnes diras euomeret?
Nec est, ut mecum ea de re
contendat, quin DEVM i-
psum, incantationum magi-
carum primum ac supremum
prohibitorum, si consultum vi-
detur, in ius vocet: cum san-
ctis Patribus, cum antiquis
Concilijs, aut, si placet, cum
Pontifice suo, cum Thoma A-
quinate, alijsque Theologis
Scholasticis, cum Laiolanae *Jesuites*
societatis patribus, apud quos
haectenus in magno honore &
pretio fuit, negocium agat.
Quid aliud enim ego dico &
scribo,

scribo, quàm quod ab illis ipsis
ante me decretum, doctum &
scriptum fuit? Si pœnituit:
sacrilegæ impietatis pœnas,
secundum leges suas canoni-
cas, soluat mundo huic: & o-
mnibus, quæ in mundo sunt,
potissimum verò opum & ho-
norum cupidini vel tandem
penitus valedicat, in eremum
concedat, cutem more Baali-
tico flagellis ad sanguinis us-
que profluxum castiget, sacco
operiat, cinere aspergat, ex
facultatibus suis eleemosynas
largiatur, aut sanè pro delicti
atro-

atrocitate omnem suam sub-
stantiam ad pauperum alimo-
niam conferat: ad quas expi-
ationis & promerendæ gratiæ
rationes eò magis obstrictus
tenebitur, quia in iustificatio-
nis suæ doctrina tales ipse præ-
scripsit.

ET hæc quidem de præ-
sentis Opusculi causa & argu-
mento præfari volui.

Tuæ verò Illustrissimæ
CELSITati, Clementissime
Princeps, has pagellas humili-
ter consecrādas & offerendas

duxi,

duxi, ut aliquod mea erga e-
andem humilima obseruan-
tia extaret quantumvis leui-
dense argumentum. Animad-
uerto enim C. T. maiorum at-
q; antecessorum suorum prin-
cipam laudatissimorum vesti-
gijs strenue insistere: doctri-
nam ab omni idololatria &
errorum fermento repurga-
tam, verumq; DEI cultum
summo studio tueri ac propa-
gare: Ecclesiae, hoc exulcera-
tissimo seculo, varijs tempe-
statum ac persecutionum pro-
cellis passim obnoxia, curam
indefes-

indefessā gerere: religionis or-
thodoxæ ergò exulibus, et vim
iniustā patientib. ope ac inter-
cessione suppetias ferre: quod
vnā mecū agnoscunt, fatētur,
celebrā, eamq̃ ob causā pro C.
T. vota faciunt multi non tam
prouinciarū tuarū subditi, quā
exteri diuersis in locis exñtes.

Deinde, quia Ill. C. T. igno-
tū non est, quantum damni in
vineā Domini haftenus dede-
rit Pistorius ille apostata: qui-
bus ille lenocinijs nonnullos ali-
os ad parem ^{et os aor' la} protraxe-
rit, quā virulēta contra ma-

)))))) gnum

gnū illū Germaniæ prophetā,
D. D. Martinum Lutherū,
adeoq̃ contra omnes, doctrinā
ipsius āplectentes, principes &
subditos, ecclesiasticos & secu-
lares, scripta ediderit: Collo-
quio Marchiobadensi ante a-
liquot annos inter Theologos
wirtēbergicos & apostatā il-
lū instituto, C. T. pro suo in re-
ligionē zelo singulari, interfu-
it, imò præfuit, sophistæ huius
versutiā et πειρασμὸν ipsa coram
aspexit. Tum etiā, quia in Ill.
C. T. ducatu wirttembergico
non tantum natus, sed et Illu-
striss-

strissimorum agnatorum tuorum,
domini Christophori et domini
Ludouici, Ducum Wirtember-
gicorum, laudatiss. beatissi-
maeq. memoriae Principum sum-
ptib. clementer ac liberaliter e-
nutritus fui: quam ob causam
aequum esse arbitratus sum, ut
vel tandem aliquam grati ani-
mi significationem pro mea te-
nuitate exhiberem.

Oro igitur, Clementissi-
me Princeps, qua possum ani-
mi subiectione, ut hoc munu-
sculum chartaceum, materia
quandam non ubique obuiam,

)))))) 2 eoque

eoq̄ nomine C.T. ut spero, non
ingratam, continens, serenā
fronte à me accipere, meq̄ sua
clementia complecti non dedi-
gnetur. Scripsi Neuburgi
ad Danubium, 18. Martij
Anno Domini 1601.

Illustrissimam Cel-
situdinem Tuam

Humiliter colens

Jacobus Heilbrunner D.
Ecclesiastes Aulæ Pala-
tinae Neopyrgicae.

DEMO.

DÆMONO- MANIA PISTORI- ANA.

Inter Angelos corporeos & ministros antiqui illius Draconis, qui seducit orbē, haud postremū. sed principem locum obtinent Magi.

Per hanc autem appellationem non intelligo eos, quos Persæ olim Magos appellabant, viros nimirum sapientes, philosophos, astronomos, in omni doctrinarum genere exercitatos, doctrinæ Danielis Prophetæ, olim in Chaldea & Persia clariss. custodes. Ex quo hominum ordine quidā Regem Iudæorum, Christum recens *Matth. 2* natum, adorauerunt, eidemq; munera obtulerunt, sicq; quodammodo totius gentilitatis nomine homagium præstiterunt.

Magos autem vñitata loquendi
A con-

DÆMONOMANIA

consuetudine, quæ in sacris quoq; literis græcis & latinis vsurpatur, eos voco. Qui superstitionis, jure diuino & humano interdictis vtuntur artibus, cumq; Diabolo vel manifestum, vel occultum habent commercium; quales sunt, qui verborum quorundam, vel precularū recitatione, incantationib⁹, maximè verò diuinorum vel barbarorū quorundam nominū virtute dæmones adiurant: vel spiritus in vitro pascunt, per quos se prophetare mentiuntur: vel operatione diabolice præternaturales, fallaces, aut miraculosos quosdam effect⁹ producunt.

Quales fuerunt Magi Ægyptiaci, Iannes & Iambres, per quos Diabolus apud Pharaonē Regem resistebat Mosi, & miracula nonnulla imitabatur. Quorū Numen⁹ quoq; Py-

thagoricus, referente Eusebio, meminit, Iannem & Iambren Ægyptios, magicis artibus præpotentes fuisse, vt

Mu-

De præp.
Euā. lib.
9. cap. 3.

PISTORIANA

Muſæo Iudeorū Duci, viro Deo con-
iūctiſſimo, ſoli reſiſtere poſſe, à cun-
ctis Aegyptijs iudicati fuerint.

Tempore Apoſtolorū fuit qui-
dam Simon Mag⁹ apud Samaritanos, Acta. 8.
qui religionem quidem Chriſtianā,
ſuſcepto Baptiſmo, fuit amplexus,
ſed quia ſpiritualibus Dei donis nun-
dinationē quandam inſtituere, opeſ-
q; acquirere cogitabat, ſicq; oſtende-
bat, cor ſuū nō eſſe rectū coram Deo,
ſed in felle amariff. & nexu iniqui-
tatis conſtitutum, in hæreſes prola-
pſus eſt atrociffimas.

Docuit enim, vnā tantū in Di- Ire. lib. 7.
uinitate perſonā eſſe, quæ aliās nomi- cap. 20,
ne Patris, aliās nomine Filij, aliās ali- Eufe. li. 2.
ter ſe patefecerit; circumduxit muli- cap. 13.
erculam Helenam ſeu Selenem, quā Epiſ. lib.
finxit ſummi DEI ^{εὐνοίας}, & omnium 1. To. 2.
rerū matrem eſſe. Ab hac enim Ange- Legend.
los, ab Angelis malis mundū conditū, SS. Petri.
& legem Moſis ac prophetias traditas & Pauli

4 DEMONOMANIA

esse: cumq; angeli mundū malē re-
gerent, sumi DEI *δύναμιν μεγάλην*, in
specie hominis, non tamē verum ho-
minem, venisse, nec verē, sed put. iuē
passum esse, & omnib⁹ ad se confugiē-
tibus salutem dare: Legem & Prophe-
tas tanquā a malis angelis, mūdi cō-
ditoribus ortos, abiecit: Resurrectio-
nem carnis negavit, magnumq; cha-
os fanaticarum opinionum sparsit,
quas postea Menander, q̄ & ipse Mag⁹
fuit, Cerdon, Valentinus, Saturnin⁹,
Basilides, Marcion, & cæteri latissimō
propagârunt.

Iren. lib.
1. ca. 21.

Romæ, quò ex Samaria se contu-
lit, tēporib. Claudij & Neronis Imp̄p.
p̄ præstigias magicas ita inclaruit, ut
iussu Claudij statua ipsi & ara collo-
cata sit, cum hac inscriptione: Simo-
ni Deo sancto. Tandem Petri & Pauli
Apostolorū precib⁹, præstigias ipsi⁹
detectas fuisse, & cū in cœlū se vo-
laturum jactitasset, ex sublimi deci-
disse, & extinct⁹ fuisse dicitur. A-

Apud procons. quendam Cypri-
um, Sergiū Paulū, mag⁹ qdā pseudo-
propheta, Paulo & Barnabæ restitit, q̄-
rens auertere pconsulem, virū alio-
quin prudentem, & veritatis cognos-
cendæ cupidum, à fide Christiana &
saluifica, qui licet Diaboli filius esset,
omni dolo & *παδισγία* plen⁹, omnisq;
iustitiæ inimicus, quibus titulis A-
postolo insignitus fuit, in tanta tamē
erat autoritate, vt Barlesu, vel, vt le-
gendum nonnullis videtur, Bariehu,
hoc est, fili⁹ Dei, & Elymas, quasi Mes-
sias DEI, appellaretur, qui, procul
dubio, nomine illo DEI quatuor lite-
rarū, quod *τετραγράμματον* vocant, ad
magicas incantationes fuit abusus.

De Magis quibusdam Persicis,
qui illorum, de quibus paulò antè di-
ctū est, vestigijs minimè insitebant,
historiæ Ecclesiasticæ autor Sozome-
nus scribit, quòd infensissimi fuerint

A 3

Christi

lib. 2. ca.
8. 9. 10.

Christianorū hostes & persecutores, dum exēpla q̄dam crudelitatis ipsorum in Christianos ppetrata refert.

Cū igitur Satan tempore veteris & noui Testamēti, verbum Dei, eiusdēq; doctores orthodoxos, p Magos oppugnaverit: mirū non est, si id ipsum hoc nostro seculo fiat, quo irā magnam effundit, omnesq; neruos ad veritatis & Ecclesiæ Christi oppressionem intendit, sciens, tempus iudicii in propinquo esse.

Et si verò inter præsentis temporis pseudopphetas neminem sciam, qui magiam dæmoniacam (illam enim in naturalē, artificialem & dæmoniacam partiuntur) publicè & palam profiteatur: nec meum sit, de occultis singulorum artibus ferre iudicium; intermittere tamen non debui, quin de magica quadā morborum curatione, à Iohanne Pistorio apostata ante aliquot annos, ex Rabinorum

norum quorundā lacunis impurissimis hausta, atq; in publicā lucē, paucis tamen, iisdemq; obscuris verbis e-
uulgata, viros bonos nō tam ortho-
doxæ, quā ei, quā nunc profitetur,
religioni addictos, admonerē: vt ho-
minem istum, qui ore & scriptis viru-
lentissimis, Illustrissimorum Princi-
pū, & aliorū Christianorū aures à ve-
ritate auertere conatur, magnumq;
illum Ecclesiæ reformatorē, D. D. Lu-
therū piæ & sanctæ memoriæ, atrocis-
simis calumnijs atq; injurijs insecta-
tur, paulò rectius agnoscere discant.

Quamuis enim, pro sui defensi-
one, prætereundere posset, se ista pridem
scripsisse, cū annū ageret ætatis vi-
cesimū tertiū, sicq; quodammodo in-
ter delicta iuuentutis, quæ his studijs
se oblectauerit, ac pestiferum istud
dogma, quasi venenum saccharo
conditum hauserit, esse referenda;
qua ratione excusauit Cornelius A-

8 D A E M O N O M A N I A

grippa occultā suam philosophiam,
 Epist. quæ& ipsa multa magica, eaq; dæmo-
 cult. phi. niaca continet: se iuuenē admodum
 prefixa, hos libros scribere aggressum fuisse:
 nullū tamen in hunc vsq; diem scri-
 ptum vidi, quo magiā suam publicē
 sparsam reuocauerit; & offēsa remis-
 sionē à DEO & pijs hominibus petie-
 rit: id quod omninò fieri oportebat,
 si peccati illi⁹ gravitatē, datiq; scāda-
 li atrocitatem agnoscit, sicut Corne-
 lius ille, quæ iuuenis scripserat, senex
 retractauit.

Quia religionem, quā aliquot
 annis amplexus fuit, publicis scri-
 ptis abnegauit & oppugnavit hactē-
 nus seq; in errore hæsisse falsus est;
 magiā quoq; quam publico scripto
 professus fuit, quaq; longē grauius
 Deum offēdit, quā erroribus qui-
 busdā Calvinianis, eadem facilitate
 abnegare, atq; ab illius studio & exer-
 citio omnes salutis æternæ cupidos
 echer-

dehortari, simul etiam obsecrare potuisset, ut libelli illius sui exēplaria, sempiterna obliuione deleātur, Vulcanoq; tradantur: sicut Ephesios, ad fidē Christianā conuerfos, cū libris, artes curiosas continētib⁹, magnoq; precio aestimatis fecisse constat. Quo nomine S. Cyprianus quoq; Episcopus Carthaginēsis Martyr à Gregorio Nazianzeno commendatur, quòd libros magicos, postquā inter Christianos nomē suum profiteri cœperit, publicē proposuerit, de imbecillitate preciosi thesauri triumphum egerit, amentiam prædicauerit, ingētem ex illis flammam excitārit, diuturnamq; imposturam igne absumserit.

Sed nec hoc satis erat. Verū si præceptis eius Ecclesiæ, cui se adiunxit, obtemperare voluissēt, rigidum quendam ordinem monasticū pridem suscipere, pœnitentiæ per-

AG. 19.

Nazian.

orat. 10.

Cypri. pa.

448.

26. quæ.

5. c. 5.

A &

peru-

petuæ se committere, scelusq; sacrilegij admissū soluere debuisset. Quæ
 26. quæ. pœna & satisfactio in iure Canonico
 5. 9. 5. ijs decreta fuit, qui artis magicæ professores, aut aliquos similia exercentes, consuluisse deprehenduntur: multò magis expiationem quandam duram suscipere tenentur ij, qui artem aliquam magicam ipsi exercuerunt aut docuerunt. Qua in re illum ipsum Cyprianū, olim Magum, postea Christianum imitari potuisset, q
 Nizia. nulla quidem meriti opinione, sed
 Ibid. poenitentia testificandæ gratia, post conuersionem, pecuniarum contentu, fastus compressione, corporis frenatione & puritate, cum prioris vitæ cupiditatibus ex diametro pugnantem, in vestitu frugalitate, asperis item humi cubationibus & vigilijs, eos q priores hoc vitæ genus amplexi fuerant, multum facileque superasse dicitur.

Quod

Quod cum factum non sit, non succensere nobis, si suspicemur, ipsum artem illam dæmoniacam, iam olim haustam, etiamnum exercere, atque pro ingenij sui capacitate, tanto temporis interuallo, haud parum in eius cognitione profecisse: præsertim cum supremus artis illius magister, discipulos laqueis suis semel irretitos, haud facile à se dimittat: id quod exempla superius citata, præsertim verò Simonis Magi, commo-
strant: qui & ipse religionem non semel mutauit, ex Iudæo vel Samaritano Christianus, ex Christiano hæreticus factus: Magus verò mansit, pecuniæ & honoris interim cupidissimus fuit: quibus vitijs Pistoriū quoque obnoxium esse omnes nōrunt & fatentur, quibuscum aliqua cum ipso intercessit notitia, aut quibus studia ipsius & negocia *πολυπραγμον-
κα* sunt perspecta.

Anno

Anno supra millesimum quingentesimum 68. libellum quendam Francofurti ad Mænum edidit, cui titulum fecit: De vera curandæ pestis ratione liber vnus: simul etiam in titulo pollicitus fuit medicationē paulò aliter propositam, quàm hactenà cōmunibus practicis factū sit.

Quæ in illo à cōmunium, quos vocat, practicorum & medicorum regulis atq; experimentis aliena sunt, ijs, ad quos res ista pertinet, discutienda relinquo. Vnum est, quod non tam à medica professione, quàm à Christiana religione longè est alienissimū, caput nimirum istius opusculi, parui & prauī, postremum, cuius verba ordinè & distinctè, interpositis glossematibus & antidotis quibusdam, recitabimus.

Arrige igitur aures, amice lector, auditurus hominem, medicationem quandam magicam, Iudai-

eam, superstitiosam, idolatricam, dæ-
moniacam, diuino & humano iure
prohibitam, homineque Christiano
minimè dignam, ostentantem.

PISTORIUS.

An in verbis sit potentia admirabi-
lis, quæ morbos sanat?

Quemadmodum pestis medicamentis &
chirurgico auxilio sanaretur, & quo pa-
cto victus ratio ægrotis nihil auxiliari posset, sa-
tis explicatum arbitramur superioribus locis. Se-
quebatur, ut ultimum caput curationis perse-
queremur, quæ pertinet ad efficiendam in nobis
sanitatem, in quo quæri posset, quid utile, quid
ad valetudinem consequendam inutile: Verùm
hunc iam dimittimus; quoniam doceri publicè
non debet: An tamen aliquis sit, operæ precium
erit perscrutari.

GLOSSA.

TRadunt viri docti, qui de Ma-
gia scripserunt, eam horrere lu-
cem & reuelationē, amare tenebras:
tacen-

tacendo confirmari, effèrendo exter-
minari. Quamobrem Magorum re-
gulæ iubent, myſteria ſua conſtanti
taciturnitate celare. Sic enim ſcri-
bit Henr. Cornelius Agrippa de Oc-
cultiore philoſophia, ſiue de Magia,
lib. 3. cap. 2. & lib. 4. §. 1. Quicumq;
igitur nunc in hac ſcientia ſtudere
affectas, tam ſacrum dogma, intra ſe-
creta religioſi pectoris tui penetra-
lia, ſilentio tegito, & conſtanti taci-
turnitate celato. Sermonẽ enim tan-
ta Numinis maiestate pleniffimũ (ut
inqt Mercuri?) irreligioſæ mentis eſt
multorum conſcientiæ publicare:
& diuinus Plato præcepit, non eſſe
populo euulganda, quæ ſacra in my-
ſterijs ſunt. Pythagoras quoq; &
Porphyrius ſectatores ſuos ſilentio
religioſo conſecrabāt. Orpheus quoq;
ab his, quos ſacrorũ ceremonijs initi-
abat, ſilentij iusiurandum, cum ter-
ribili quadam religionis autoritate,
exegit,

Sacrum
dogma
ſicut Au-
riſtera
fames.

erexit, ne religionis secreta prophanis auribus traderentur. Hæc Agrippa.

Malæ hoc esse causæ & conscientiæ indicium, Christus ipse docet Iohan. 3. Omnis, qui malè agit, odit lucem, & non venit ad lucem, ne arguantur opera eius. Qui autem facit veritatem, venit ad lucem, ut manifestentur opera eius, quia in DEO sunt facta.

Si enim esset ars legitima, & hominibus ad valetudinis curâ vel confirmationem salutaris, pro DEI dono esset agnoscenda. Numerantur enim sanationes inter *χαρίσματα* Spiritus sancti; & à Syracide Medicina ab ipso DEO creata, ac mortalibus donata esse dicitur. Nequaquam igitur occultanda, sed publicè docenda esset. Arcana enim Regis celare bonum est; opera autem DEI reuelare & confiteri, honorificum est, Tob.

1. Corin.

12.

Syr. 38.

12. Quis

12. Quis det, inquit Moses, Num. 11. vt vniuersus populus prophetet, & det eis Dominus Spiritum suum. Non enim occultare cupiebat dona Spiritus sancti, multò minùs ea alijs inuidit; sed æmulationem in ministro suo Iosua reprehendit.

Vnde apparet, merum esse figmentum, quod Rabini excæcati, de secreta quadam legis interpretatione, solis septuaginta senioribus per Mosén clam commissâ nugantur.

Salomon Rex longè sapientior fuit Pistorio, multaq; arcana ἀνσιβῶς cognouit; eorum verò nihil clam esse voluit, sed publicè de illis, coram aulicis & ministris suis, imò etiam coram externis, ex Ethnicorum provincijs longissimè disitis, aduentantibus, ad DEI gloriam, à quo admirandam illam sapientiam acceperat, disseruit, 1. Reg. 4.

PISTORIUS.

Princ

Princes Medicorum curationis partes tres fecerunt, quarum una in diæta consistit, cæterarum altera medicamentis, altera manibus sanat. Tot illi modos curandi, non plures, constituunt docere, & inducunt in animos hominum argumenta, tanquam probationes suæ opinionis. Sed nos iam dudum ab horum sententijs discessimus, **ET IN QVIBVSDAM VERBIS ARBITRAMVR SANATIONEM POSITAM ESSE**, quorum translationem, tanquam curandi quartum modum, ad reliquos adiungimus.

GLOSSA.

Vrit maturè, quod vult vrtica **MANERE**. Si anno, quo libellum hunc edidit, quo ipse ætatis annum egit vicesimum tertium; (natum enim se scribit 14. Febr. Anno 1546.) iam dudum à communi illa sanandi artis partitione discesserat, oportet ipsum in pueritia aut adolescentia constitutum, hac doctrina fuisse imbutum.

præf. Sp.
Luth. ad
Abbatē
Campi-
donen-
sem.

B

Est

Est autem quartus ille, quem vocat, curandi modus, supersticiosus, idolatricus, magicus. Superstitiosus, inquam, est; quia verbis vis & efficacia quædam, diuinitus illis non insita, tribuitur. Idolatricus, quia honos soli DEO, sanitatis auctori, competens, inanibus quibusdam literis & syllabis adscribitur, quibus ad sanitatem in hominibus efficiendam DEVS vti non solet. Sicut idolatræ pro sanitate infirmum (τὸ ἰδιόθεν) deprecatur, & pro vita rogant mortuum, & in adiutorium inutilem invocant, Sap. 13. Ira Pistorius sanitatem quærit in verbis quibusdam, quibus multò minor vis & efficacia inest, quam idólis.

Magicum esse hunc modum, ipse postea fatetur. Magiam verò illā nec naturalem, nec artificiosam, sed dæmoniacam esse, testatur S. Augustinus lib. 10. de ciuitate DEI, cap. 11. Quod

11. Quod ei (Porphyrus) videtur, herbis, & lapidibus, & animantibus, ET SONIS CERTIS QVIBVSDAM, AC VOCIBVS, ac figurationibus atque figmentis, quibusdam etiam obseruatis in cœli conuersione, motibus siderum, fabricari in terra ab hominibus potestates, idoneas VARIIS EFFECTIBVS EXEQUENDIS, TOTVM HOC AD EOSDEM IPSOS DÆMONES PERTINET, LVDIFICATORES ANIMARVM SIBI SVBDITARVM, & voluptaria sibi ludibria de hominum erroribus exhibentes.

Thomas Aquinas in secunda secundæ, Quæst. nonagesima sexta, de superstitionibus obseruantiarum Art. 2. docet: in his, quæ fiunt ad aliquos effectus particulares inducendos, puta ad SANITATEM, vel ad aliquid huiusmodi, considerandum esse, vtrum naturaliter videantur posse
B 2 tales

tales effectus causare. Sic enim non esse illicitum. Licere enim causas naturales adhibere ad proprios effectus. Si verò naturaliter non videntur posse tales effectus causare, consequens esse, quòd nec adhibeantur ad hos effectus causandos tanquam causæ, sed solùm tanquam signa, ET SIC PERTINERE AD PACTA SIGNIFICATIONVM CVM DÆMONIBVS INITA.

Ibidem: Si simpliciter adhibeantur res naturales ad aliquos effectus producendos, ad quos putantur habere naturalem virtutem, non est superstitiosum vel illicitum. Si verò adiungantur vel characteres aliqui, VEL ALIQVA NOMINA, vel aliæ quæcunq; variæ observationes, quæ manifestum est naturaliter efficaciam non habere, ERIT SUPERSTITIOSVM, ET ILLICITVM.

Ibidem citat dictum Augustini,

ni, paulò antè positum, de dæmoni-
bus, ludicatoribus animarum, &
addit: Vnde etiam imagines, quas
Astronomicas vocant, ex operatio-
ne dæmonum habent effectum. Cui⁹
signū est, quòd necesse est eis inscribi
quosdam characteres, qui naturali-
ter ad nihil operantur. Non enim
est figura actionis naturalis princi-
pium. Sed in hoc distāt Astronomi-
cæ imagines à Necromāticis; quòd in
Necromāticis fiūt EXPRESSÆ inuo-
cationes & p̃stigiæ q̃dam, vnde perti-
nēt ad EXPRESSA PACTA cum dæ-
monibus inita. Sed in alijs imagi-
nibus sunt quædam TACITA PA-
CTA, per quædam figurarum & cha-
racterum signa.

Ibidem respondet ad obiectio-
nem, quòd dæmonum virtus à DEO
sit, ideoq; liceat eorum virtute uti ad
aliquas huiusmodi iñtuationes fa-
ciendas, respondeo : ad Dominum

B 2

diuinæ

diuinæ maiestatis pertinere, cui dæmones subsint, vt eis vtatur DEVS, ad quodcunq; voluerit: sed homini non esse potestatem super dæmones commissam, vt eis licite possit vti ad quodcunq; voluerit, sed esse ei contra dæmones bellum indictum. Nullo igitur modo licere homini dæmonum auxilio vti per pacta tacita vel expressa.

De tacito illo vel implicito cum dæmonibus commercio, prolixè disputat Gregorius de Valentia comment. Theol. Tom. 3. disp. 6. quæst. 13. de superstitione vanarum obseruantiarum, quæ medijs inutilibus minimè à diuina prouidentia constitutis, procurat commoditates siue animi, siue corporis, vt sanitatem, prorogationem vitæ, scientiam rerum vniuersalium, &c. quarum vna fiat cum explicita inuocatione dæmonum, altera cum implicita tan-

cum

tum. Implicitam autem inuocationem, siue societatem dæmonis, latissimè patère ait. Contingere enim, quodocunque quis ad ad aliquem effectum adhibet, tanquam efficacia media, talia, quæ in rei veritate sunt vana & inutilia, ex quo fiat, vt dæmon tunc facillè se eiusmodi vanitatibus immisceat, vt hominem vanitati deditum irretiat.

Inde facillè est Syllogisum conficere, quam argumentandi formam Pistorius à nobis postulat:

Qui ad sanitatem producendam talibus medijs utitur, quæ ad producendum illum effectum naturaliter nullam habent efficaciam, ille vel expressum, vel occultum & implicitum habet cum Diabolo commercium:

Pistorius talibus medijs ad sanitatem procurandam utitur, quæ ad hunc effectum producendum naturaliter nullam habent efficaciam, verbis nimirum, nominibus, & vocibus quibusdam: quæ inter media illa vana atq; inutilia expressè referuntur:

*Ergò Pistorius vel apertum, vel occultum
aut implicitum habet cum Diabolo com-
mercium.*

S. Augustino, Thomæ, Grego-
rio Valentiano, adstipulatur Martinus
quidam Delrius, qui societatis IESV
presbyterum se vocat. Is enim an-
no proximè præterito, supra millesi-
mum sexcentesimo, Disquisitionū
magicarum libros sex Moguntia edi-
dit, in tres Tomos partitos, vbi lib.
1. cap. 4. quæst. 3. pag. 83. quæstio-
nem illam prolixè tractat: An verbis
& incantationib⁹ vis insit morbos sa-
nandi, aut mirifica perficiendi, quod
inter alios Arabes ferè omnes, Caba-
listas & recentiores Iudæos, Magos
quoq; omnes sentire ait.

Probat autem non tam omni-
um Patrum, Thomæ, Gersonis, &
Theologorum cunctorum, Vlpiani
quoq; I. C. autoritate, quàm argu-
mentis, nulla vocabula, siue verbis
prola-

prolata, siue scripto comprehensa,
siue sola & incomplexa, siue comple-
xa & in propositionem vel oratio-
nem aliquam versu aut prosa relata,
siue significantia, siue nihil signifi-
cantia, siue Hebræa, siue alterius lin-
guæ, siue dicta cum sibilo aut affla-
tu, siue aliter quomodocunq;, abs-
ente vel præsentē ægro, nulla in quā
vocabula vim habere naturalē, neq;
artificialē, neq; supernaturalē, vulnera
vel morbos sanādi, vel noxas alias de-
pellendi: vnde concludit, operatio-
nes istas prodigiosas fieri ministerio
malorum Angelorum.

Inter alia meminit Spondani
cuiusdam, Homeri interpretis, qui
cū Calvinianus esset iuuenis, axi-
oma illud repetierit; DEI bonitatis
esse, ad eiusq; gloriam pertinere, tam
admirandas effectiōnes creaturæ, nē-
pe Dæmoni concessisse; postea verō
resipuerit, & ad Catholicos (Papistas)

B s redi-

redierit. Quod ideo referre volui, ut appareat, non solum Pistorium ex duabus Societatibus, Calviniana & Dæmoniaca, ad societatem Iebusiticam transiisse.

Videant igitur Iebusitæ, quem in Ecclesiæ suæ gremiū receperint: curent, ut maturè satis poenitentiam agat: societati dæmoniicæ palàm ore & facto penitus valedicat. Quod tamen haud facillè fiet, nisi à societate quoque Iebusitica vel Loirolana se seiunxerit.

PISTORIUS.

Eres à veteribus sæpè deliberata, multumque agitata fuit: ut quidam, cum modum agendi non reberirent, visis tamen obfistere non possent, supersticiosos eos dicerent, qui assentirentur.

GLOSSA.

Modus agendi interdum in rebus naturalibus non reperitur.

ut quomodo magnes trahat ferrum,
& multa alia, quorum exempla in li-
bro Iob recensentur. Multa enim Iob. 38.
sunt occulta in ipsa rerum natura. 39.

Qui illis assentiuntur, atq; miran-
dam & infinitam DEI omnipotentia-
am inde agnoscunt, superstitiosi non
sunt. Qui verò actionem aliquam
verbis, aut rei alicui tribuunt, diui-
nitus non insitam: illi à superstitione
immunes non sunt, etsi visus ef-
fectum monstrat.

Superstitiosè enim effectum il-
lum tribuunt medijs, ad effectum il-
lum producendum vanis atq; inuti-
libz, cuius causa in ipso Diabolo resi-
det, q̄ interdum ipse quoq; , DEO p-
mittente, ad idolatriæ ac superstitio-
nis confirmationem, miracula ope-
ratur; sicut Christus testatur, ad con-
firmationem falsæ doctrinæ, editum 24.
iri signa magna & prodigia, ut in er-
rorem inducantur, si fieri possit, ipsi
electi.

2. Thes.
2.

electi. Et Paulus Apostolus affirmat, Antichristi aduentum fore secundum operationem Satanæ, in omni virtute, & signis, prodigijs mendacibus, & in omni fraude iniquitatis in ijs, qui percutunt.

'PISTORIUS.

Alij autem, philosophi præsertim Platonici, in re ardua diuersos modos effingerent, quamuis dissentientes à vero & abhorrentes à Philosophica integritate. Apanus celebris auctor ait, quemadmodum direptus animorum in ægris & medico successione valetudinis impedit, sic copulatam utriusq; mentem, confidentia quadam ægroti & impostura Medici efficere naturæ & vultus sanis. Quare putat, verbis nihil tribuendum, cum totum ex fide ægri pendeat. Sed hæc nimis crasse differuntur.

GLOSSA.

SI Apanum intelligit, qui Petrum de Abano Philosophum se vocauit, celebris ille fuit Magus vel Ne-

cro.

eromanticus. Scripsit enim Heptameron, seu Elementa magica, in quibus docuit, qui daemones singulis anni partibus, imò horis & diebus totius *Ædōmad* præsent, quibusq; verbis & characteribus ad colloquium illos allicere oporteat. Qui liber horribilis, flammisq; infernalibus dignus, occultæ philosophiæ Cornelij Agrippæ pag. 556. adiunctus reperitur.

Iohannes Bodinus testatur, il-
lum ad defensionem Magorum à Sa-
rana fuisse inspiratum, & comproba-
tum, eum fuisse Magorum omni-
um, quos habuerit Italia, facile prin-
cipem.

Præfat. li-
bri de
Magorū
Dæmo-
nomia.

Ab hoc & alijs istius farinae præceptoribus, quid didicerit Magus ille noster, haud difficile est diuinare: Qui hoc præceptore vsus fuit, Diabolum ipsum habuit Rectorem, ita ut illiverè competat germanicum illud

Id prouerbum, quo quis cum diabolo scholas frequentasse dicitur.

Et si enim autorem illum crassitiei cuiusdam arguit, quod adempta verbis efficacia, sanitatis effectum aegri confidentia, & medici impostura attribuat, unde sanitas κατὰ φύσιν ἑκὼς efficiatur; illū tamen à Pistorio in existimatione haud vulgari habitum fuisse, inde constat, quod celebritatis nomine illum commendat. Si aliū quispiam fuit Apanus, constat tamen ex hac ipsa allegatione, illum fuisse impostorem, qui & ipse verbis ad sanitatem efficiendam fuerit usus, adeoq; cum Diabolo vel explicitum vel implicitum habuerit commercium, ut supra est ostensum.

PISTORIVS.

I Amblichus notationem esse iudicat, verbis à Dijs inscriptam, quæ nos fugiat. Illis cum sit cognita, flectat superos. Estq; hic error à vero non adeò longè remotus.

GLOSSA.

I Amblichus librum scripsit de My-
sterijs Ægyptiorum, Chaldaeorū,
Assyriorum, à Marfilio Ficino Flo-
rentino Venetijs vnâ cum alijs qui-
busdā opusculis, Procli, Porphy-
rij, Synesij, Pselli, Alcinoi, Speusipi,
Pythagoræ, &c. editū Año M. IIIID.

Si Deorum nomine Dæmones
intelligentur, quos Gentilium sacer-
dotes sub Deorum nomine colebāt,
quibus cognita sit verborum nota-
tio, est sanè hic error à vero non lon-
gè remotus. Illi enim Barbara Ma-
gorum & mancipiorum suorum no-
mina intelligunt, quæ maiorem ef-
ficaciam, teste ipso Iamblichō, habe-
re creduntur. Eò magis enim con-
firmant superstitionem illam magi-
cam, quòd vis & efficacia quædam in
ipsis literis & syllabis, quæ alioquin
nullius sunt valoris, recondita sit.

M Agisilium legimus in imagine causam exquirere, quoniam verba rerum simulachra sint.

GLOSSA.

N Ec verborum per se & in sua natura consideratorum, nec imaginum aliqua est efficacia, sicut non tam ex Dialecticorum regulis, quàm ex Augustino & Thoma Aquinate superius citatis constat.

PISTORIUS.

A Lcinous & Psellus demonum auxilio, quod verbis tacitè significamus, arbitrantur nos consequi.

GLOSSA.

H Irè acu tetigerunt, Quia. n. verbis per se nulla inest efficacia, oportet, vt effectus aut à Deo aut à Diabolo proueniat. DEVS verò non operatur sanitatem per verba. Nulla enim hac de re extat promissio aut reuelatio.

Nec

Nec iuuat Magicas incantationes, à se prohibitas. Alioquin enim sibi ipsi foret contrarius: sed per herbas, radices & alia terrâ nascentia sanitatem largitur, vnde medicinam ex terra creasse dicitur, Syrac. 38. Ergo Diaboli auxilio, per hunc curandi modum, ager sanitatem consequitur.

Alia est ratio precum & Sacramentorum, Baptismi ac Sacrosanctæ cœnæ Dominicæ, vbi vis & efficacia non in nostraverborum recitatione, sed in DEI promissione & ordinatione consistit. In verbis, herbis & lapidibus magna virtus esse dicitur, præsertim verò in verbis Christi magna fuit virtus, teste Centurione Capernaïta; tantum dic verbum, & sanabitur puer meus. Nā & ego homo sum sub potestate constitutus, habēs sub me Matt. 8. milites, & dico huic, vade, & vadit, & alij,

& alij, veni, & venit, & seruo meo, fac hoc, & facit.

Virtus verò non ab ipso sono literarum, sed à persona dicētis & imperantis, proficiscebatur. Si alius quispiam millies ad ægrum absentem vel præsentem, absque speciali DEI dono aut mandato, iisdem vtratur verbis, quibus Christus vsus fuit, nullus sequetur effectus.

PISTORIUS.

Sunt, qui vel oratoris magici animam eleuari existiment, ut materia mundana imperare possit, vel sermonem dicant magicum certis influentijs illigari. Quamobrem si opus sequatur, ex cælo, non è verbis, effectum esse.

GLOSSA.

Quia Oratores magici, Diaboli sunt mancipia, non abs re dicuntur, ipsorum animas eleuari ad principes & potestates, mundi dominos rectoresq; adeoque ipsorum sermones magicos certis influentijs illigari:

ri: opus igitur ex cœlo, non è verbis,
 si quod sequatur, effectum esse. Ex Ephes. 6.
 cœlo nimirum illo sublimi, de quo
 Apostolus scripsit, nobis luctam esse
 πρὸς τὰ πνευματικά τῆς πονηρίας ἐν τοῖς ἐπ-
 ουραίοις, contra spiritualia nequitiae,
 vel spirituales malitias in coelestib⁹.

PISTORIUS.

Homnes nobis deferendi sunt.
 GLOSSA.

Non quod nimis malè, sed quod
 nimis crassè & apertè de causis
 effectus verborum vel sermonis ma-
 gici differuerint.

PISTORIUS.

Obscurè autem de obscura vera causa loquē-
 dum est, contra omnes, qui à nobis dissen-
 tiunt.

GLOSSA.

Si profiteretur artē homine Chri-
 stiano dignam, salutarē ac neces-
 sariam, haudquaquam obscuritati,

sed perspicuitati studēdum esse censuisset. Verūm mala consciētia prohibet, quò minùs apertè, & perspicuis verbis animi sensa in lucem pferre ausus fuerit. Interim *Φιλοτιμία καὶ δοξασμάνια* prorsus tacere non permittit.

PISTORIUS.

EXordiemur à Domino quatuor literarum, qui scala insidens, formas, & εἰσίας in Iacob subiectum hominem explicat, varijs medijs usus.

GLOSSA.

EXordium & fundamentum totius structuræ istius magicæ, falsum & vanum est, ex nugis Iudaicis depromptum. Nullas enim εἰσίας in Iacob subiectum hominem explicabat תימן, quem ipse Dominum quatuor literarum vocat, quòd nomen illud DEI proprium, sit τετραγράμματος, hoc est, quatuor literarum: nec ægrum sanabat: nec ad eiusmodi effectus

fectus producendos varijs utebatur
 medijs : taceo, quòd non sedisse, sed
 scalæ inixus stetisse dicitur : sed Iaco-
 bum somno & mœrore animi op-
 pressum, pollicitatione multiplica-
 tionis, possessionis terræ Chanaan,
 feminisq; benedicti, solabatur.

PISTORIVS.

Scala enim est, per quam in nos illabitur, in-
 stervallis graduum distincta, quos magna con-
 tentione Angeli sursum deorsumq; transcendunt.

GLOSSA.

Per scalam illam Christus fuit ad-
 umbratus, per quem solum in
 cœlum ascendimus, teste & interpre-
 te ipso Christo Iohan. 1. Amen, Amē
 dico vobis, videbitis cœlum aper-
 tum, & Angelos DEI ascendentes
 & descendentes super FILIVM HO-
 MINIS. Iohan. 3. Nemo ascendit
 in cœlum, nisi qui de cœlo descen-
 dit, Filius hominis, qui est in cœlo.

Per intervalla graduum, inter ascendendum apprehendenda, verbum DEI, promissiones Evangelicas de DEI misericordia, & gratuita remissione peccatorum, Baptismus, Absolutio, Sacrosancta Cœna Domini intelligi possunt, tanquam media, per quæ Christi beneficia in nos illabuntur, quibusq; fides in nobis accenditur, augetur, corroboratur, donec ad optatâ metâ perveniamus.

Hac scala relicta aut remota, Magi aliam fingunt, intervallis quibusdam graduû distinctam, per quâ hostis filij Dei piorumq; hominum, in ipsos Magos, cæterosq;, quos illi subijciunt, quiq; ipsorum operâ utuntur, illabitur, quos magna contentione mali Angeli farsum decorumq; transcendunt. Est enim Diabolus quodammodo Simia DEI, qui ipsi⁹ actiones, si non ipso facto, quod in multis ipsi est *αὐθάδης*, p̄stigijs tamē quibusdam, imitatur. Hoc

Hoc ipsum agnouit & fatetur
 istius artis peritus, Henricus Corne-
 lius Agrippa, libro de vanitate scien-
 tiarum cap. 46. vbi de Magia theur-
 gica scripsit, plerosq; putare, illam
 non esse illicitam, quia bonis ange-
 lis, diuinoq; numine regatur: cum
 sæpissimè tamen sub Dei & Angelo-
 rum nominibus, malis dæmonum
 fallacijs obstringatur. Summa au-
 tem blasphemia est, quando Diabo-
 li opera, Domino quatuor literarū,
 hoc est, ipsi Iehouæ; magna; impi-
 etas, cum malorum dæmonum acti-
 ones, bonis & sanctis Angelis attri-
 buuntur.

PISTORIUS.

Primus itaq; inter ascendendum nobis notis-
 simus est, & Natura dicitur. Reliquis va-
 ria imponuntur nomina, & infinitarum rerum
 neq; modus ullus, neq; finis inueniri potest.

GLOSSA.

C. 4

Nec

Nec primis, nec intermedijs, nec
 supremis gradibus, aut Angelis
 sursum deorsumque transcendentibus,
 in historia illa Iacobi Patriarchæ,
 certa imponuntur nomina: nec infinita
 fuit scala illa, cum super terram
 steterit, & cacumine coelum tetigisse
 dicatur, ideoque graduum quoque non
 fuit infinitus numerus.

*De Arte
 Cabal.
 lib. 3. fol.
 59.*

Per naturam intelligere videtur
 Naturam Angelicam hominibus no-
 tissimam, interprete Reuchlino, qui
 ex iententia Rabinorum scripsit, ho-
 mines per Angelos Deo iungi Tetra-
 grammatō ineffabili; in quo primum
 resplendeat Angelorum nobilissima
 Natura. Quod verum esse non po-
 test. Non enim Angelorum, sed so-
 lus DEI natura in Tetragrammatō
 illo יהוה resplendet, quam ob cau-
 sam nec Angelis nec hominibus no-
 men illud competit.

PISTORIUS.

Progre-

Progre diemur tamen, quoad possumus, & tentabimus, si ne aliqua brevis infiniti comprehensio, an de hac omnino desperare oporteat. *Horizon temporis & infinitæ æternitatis: Horizon æternitatis temporalis: Horizon mundi super supremi, de quo Hieremiab: Et supra Iubilationem mittet radices suas. Et Sophar Amab exponit: Peleg Elobim Male Maïm.*

GLOSSA.

Varia & multiplex ἀντιλογία vel contradictionis implicatio. Primum enim affirmat, infinitarum rerum neq, modum ullum, nec finem inueniri posse. Mox subiicit, esse aliquam breuem infiniti comprehensionem.

Horizontes, cum Rabinis cæcis cæcorū ducib⁹, tres constituit, quorum primum vocat Horizontem temporis & infinitæ æternitatis, cum in infinita æternitate nullum sit tempus, & infinita æternitas sit ἀπερίγραπτος, nulloq; Horizonte circumscripta.

Sulze
ne Schir
eisen.

Alterum vocat Horizontem æternitatis temporalis, cū nulla sit aut esse possit æternitas temporalis. Quod enim æternum est, temporale esse nequit; quod tēporale est, æternum non est.

Tertium appellat Horizontem mundi supersupremi, cū extra vel supra mundum nullus sit locus, adeoq; nullus Horizon. Horizon enim est loci visibilis circumscriptio, vel terminus, vnde & nomen habet.

Hunc Horizontem mundi supersupremi, cū de prioribus duobus nihil testimonij in medium proferre potuerit, præterquàm Rabinorum somnia, probare conatur manifesta verborū Ieremiæ Prophetæ deprauatione, cap. 17. Benedictus vir, qui confidit in Domino, & erit Dominus fiducia eius: et erit quasi lignum quod transplantatur super aquas, quod ad humorem (vel riuū) mittit

mittit radices suas. In hebræo extat nomen יִרְבֵּל quod significat Riuum vel fluxum aquarum, à verbo vel radice יָרַב fluxit, profluxit. Ibi Pistorius pro יִרְבֵּל posuit יִזְבֵּל, qua voce sonitus vel clangor tubæ, ann⁹ quoq; Iubilæus propter clangorem tubæ sic dictus notabatur. Exod. 19. Leuit. 25. Ios. 6.

Et si verò eadem sunt in vtraq; dictione consonantes, & puncta tantum vocalia diuersitatē faciūt significationis: tamen ex contextu quiuis facile intelligit, hoc loco legendum esse יִרְבֵּל, non יִזְבֵּל. Loquitur enim Propheta de arbore iuxta riuum aquarum plantata, cui confert eum, qui fiduciam suam ponit in Dōminum, eodem planè modo, quo regius propheta David eum, qui non abiit in consilio impiorum, & in via Psal. 16. peccatorum non sedit, & in cathedra

dra illusorum non sedit, sed in lege
DEI meditatur die ac nocte; compa-
rat arbori, ad riuos aquarum planta-
tæ, quæ fructum suum fert in tem-
pore suo, cuius folium non marce-
scet. Vbi extant vocabula פְּלֵי מַיִם

Diuisiones vel riui aquarum, quibus
Sopher Amah, q de reconditis Psal-
mi vnde uigesimali scripsit, dictum il-
lud Ieremiæ exposuisse dicitur: Pe-
leg Elohim Male Maijm, hoc est, Ri-
uus Dei plenitudo aquarū, vel, Flu-
men Dei repletum aquis.

Quid, obsecro, hoc pertinet ad
Horizontem mundi super supremi,
de quo Ieremiæ prephetæ eo in loco
nihil venit in mentem?

Duplici verò fūco vsus fuit,
quòd locum vel caput Ieremiæ non
citauit, vnde qui uis intelligere potu-
isset, illum ad præsens negocium nō
pertinere, quodq; uerba illa Sopher
Amah absq; interpretatione recita-

uit, quam paucis cognitam esse no-
uit, quæq; manifestare potuisset, he-
bræas illas, quas recitauit, ac latinis
literis posuit voces, à præsentī insti-
tuto tanto interuallo distare, quanto
cælum Empyreum, quod supra &
extra mundum hunc aspectabilem,
Scholastici, Caluiniani, & Iebusitæ
fabricârunt, eiusdemq; fundamenta
ex doctrina Cabalistica vel Thalmu-
dica sumpserunt, à riuulis vel fluui-
is terrestribus distare dicitur.

Si Rabinus ille Sopher Amah,
qui in ordine Cabalistarū inter præ-
cipuos ponitur, per flumen Dei re- Rench. li.
pletum aquis, Horizontem illum 3. fol.
mundi supersupremi intellexit, ni- 51.
hil ad nos Christianos pertinet, cum
ex Esaia Propheta constet, Iudæis om-
nium Prophetarum libros fore in- Esa. 29.
star libri signati.

Signitur aliqua est infiniti perceptio; his tribus finitoribus utcumq; tota scala, quæ supra naturam est, pars terminatur: desinitq; in En-soph, à quo usq; ad hominem sunt quinquaginta intelligentiarum portæ.

GLOSSA.

SI Pistorius volat, habet pennas. Si scala infinita est, infinitisq; gradibus distincta, tum nullis finitoribus terminatur. Scala autem illa à Iacobo in somno visa, non fuit infinita. Si enim fuisset infinita, Iacob extremitatem eius videre non potuisset. At verò vidit extremitatem pertingentem usq; ad cœlum, DOMINVM q; יְיָ supremo gradui insistentem.

Cœli autem vocabulo non intelligitur Horizon quispiam mundi supersupremi. Isthuc enim visu pertingere non potuisset: sed cœlum illud spectabile, quod vulgò, & phrasibus

sibus quoq; sacris, cœlum dicitur,
quando de volucrib⁹ & nubibus cœ-
li sermo est, vt & in descriptione tur- Gen. 11.
ris Babylonicæ, quam turba Nimro-
dica ad cœlum vsq; excitare machi-
nabatur.

De Ensoph, & quinquaginta
portis intelligentiarum, mira nugā-
tur Rabini, quos homines horribili
cæcitate iustissimo Dei iudicio per-
cussos, præceptores sibi constituit
Pistorius.

Nomen ENSOPH ex duab⁹
dictionibus compositum esse aiunt,
quarum vna est **אין** Non, Altera **אין**
Finis: ex illarū compositione fit no-
men Ensoph, quasi dicas, infinitu-
do vel abyssus, fons sine fundo. Ita
enim Reuchlinus, superstitionum
Iudaicarum peritissimus, nomen
illud interpretatur, & addit, illam in-
finitudinem à Cabalists haberi pro
regno omnium seculorum, imò pro
ipsa Deitate sine indumēto. Quod

Dearte
Cabalisti.

3. fol.

53. 62.

lib. 1. fol.

21.

Quòd enim in illo libro Hagenoæ Anno 1517. edito, non suam referat sententiam, sed Iudæorum verba & phantasmata, inde patet, quòd eo ipso in loco, ubi vocabulum Ensoph explicatur, Rabinus quispiam introducit de Pauli Ricci, qui ex gente Iudaica ortus, Christianus factus fuerat, conuersione dicens: Quæ facile nunc, vt arbitror, de libro Cabalístico compendij, portæ lucis, quem Paulus Riccius, vir egregie doctus, quondam ex nostris vnus, nunc Christianus, ex Rabi quodam Castiliensi collegit, & de Isagogis, quas scripsit in Cabalam, discere potestis.

fol. 62.

Eodem libro paulò antè: Paulus Riccius quondam noster. Hæc verba non sunt Reuchlini, qui & ipse Christianus fuit; sed Simonis Iudæi, q̄ in illo Dialogo introducitur. Quin ibidem palam testatur, se nihil dicere velle; dicere autē magis & recensere, q̄d apud Cabalistas legerit. In

fol. 52.

In fine operis Leonem X. Pontificem compellat, seq; contra Iacobum Hochstratenfem, & alios, à quibus accusatus fuerat, defendit, quòd breui compendio in Symbolica Pythagoræ philosophia, & Cabalæ sapientia, veterum opiniones atq; sententias recitârit, de quibus ipse mediocris ingenij & minutæ prudentiæ homo, nihil iudicare aufit, nec sanè iudicare velit.

Etsi verò Cabalistsæ per quadraginta nouem intelligentiarum portas ad Ensoph vsq; , sua quidem opinione, progressi, mirum in modum sapere, atque in ipso DEI sinu quodammodo versari, eumq; sine indumento contueri sibi videntur: Christiani tamē Θεοδιδασκοι, cæcitatismq; Iudaicæ gnari, haud difficulter animaduertunt, nomen istud, ENSOPH, vero DEO non competere, cùm inter multas & varias ipsius appella-

D tiones

Exod.

33.

Iohan. 1.

tiones, in sacris oraculis expressas, nusquam reperiatur. Nec verò DEVS sine indumento à mortalibus videri potest, ipso Deo teste: Non videbit me homo, & viuet. DEVM nemo vidit vnquam, Filius, qui est in sinu Patris, enarrauit nobis, qui & ipse sine indumento, vel formæ cuiusdam humanæ, vel columnæ nubis & ignis, vel angelicæ, nunquam fuit visus, donec veram naturam humanam in *conspectu* suæ vnionem assumsit.

Exod.

19.

1. Sam.

6.

Nam. 4.

Iu super DEVS ferre non potest, vt homines, peccatis & corruptioni obnoxij, ad se propius accedât, suamq; essentiam & formam scrutari, aut intueri conentur; sed vult, vt intra præscriptos limites se continent, nisi mortis periculo se exponere velint. Bethsemitæ, visa, contra mandatum diuinum, arca nuda, horribili plaga diuinitus fuerunt percussi,

cussi, qua perierunt virorum quinquaginta millia & septuaginta. Scrutator Maieſtatis, inquit Salomon, operatur à gloria. Proverb, 25.

Regno deinceps omnium ſeculorū, vel vitæ æternæ, appellatio iſta Enſoph in ſacris monumentis nunquam tribuitur. Nec ſanè ad vel ultra ſupremam illam, quam ſibi imaginantur, portam, mortalibus, dum carnem & ſanguinē animale, mortalem, corruptibilem circumferunt, patet aditus. Caro & ſanguis, inquit 1. Corin. Apoſtolus, regnum DEI poſſidere 15. non poſſunt, ſed oportet, vt τὸ φθαρτὸν prius induat ἀφθαρτόν.

Quī igitur, ſi Enſoph, infinitudo vel abyſſus illa eſſet abyſſ⁹ infernalis, Iudæis illis incredulis, eorumq; ſociis vel pſelytis Iudaizantib⁹ deſtinata? Infern⁹ enim aliquoties in ſcriptis ſacris Abyſſus dicitur. Luc. 8. Dæmonia rogabant Ieſum, ne impera-

ret illis, ut in abyssum irent. Rom. 10. Quis descendet in abyssum? Apoc. 9. Vidi stellam de cœlo cecidisse in terram, & data est ei clavis putei abyssi, & aperuit puteum abyssi, & ascendit fumus putei, sicut fumus fornacis magnæ.

Quî si Ensoph esset ipse angelus abyssi sine indumento, cui nomen hebraicè **אבaddon** Abaddon, græcè autem, ἀπολλύων, id est, perdens, Apoc. 9. ab Angelo habente clauem abyssi catena magna ligat⁹, & in abyssum ad aṇos mille coniectus? Apoc. 20. Illius enim potestati traditi sunt Iudæi in incredulitate perseuerātes. In illis habet suam ἐνέργειαν Ephes. 2. Iuxta principem potestatis aeris, spiritus nunc agentis (ἐνεργῶν) in filiis diffidentiae.

Hanc nostram sententiam confirmat, quòd in mysterijs quoq; Orphicis istius Ensoph fit mentio. Illorum

gum enim Canon quintus sic habet:
 Qui scit circa primariam animalem Paulus
 Trinitatem operari, Palæmonem & Scalich.
 Leucotheam adire, Nereum attrahe- in Theſ.
 re, Typhonem & Zamaëlem, noctem Myſt.
 & Enſoph concordare: curetiam o- philof.
 pifex mundi Noctem conſulat de o- pag.
 pificio mundano, quod nec Proclus, 125.
 nec ſui imitatores, imò rari intelle-
 xerunt, concordabit id, quod ſuperi-
 ſus meminimus, Poros nempe conſi-
 lij filium: & intelliget, quomodo per
 octonarium numerum hymnorum
 maritiorum, corporalis naturæ, p-
 prietas deſignetur.

Orpheus autem poëta vel vates
 gentilis fuit, genere Thrax, pro filio
 Calliopes & Apollinis habitus, qui
 verum DEVM cum vel ſine indu-
 mento non agnouit. Ille carmini-
 bus ad aſtra compoſitis daemones in-
 uocabat. Sic enim legitur in myſte-
 riorum orphicorum Canone vnde- Scalich.
 D 3 climo: pa. 127

cimo. Qui intelligit, quomodo Ecclesia primitiua pellebat morbos & tempestates sub veneratione alicuius numinis, orando, aut scripta appensa seu alligata deferendo, intelliget carmen Orphei ad astra compositum: Vocibus ergo sacris iam dæmones inuoco puros: intelliget, cur sæpè ab eo nomine, cui aliqua venerationis impenditur, mirandas virtutes obtinemus: cur res materiales haud parùm sanctitatis & virtutis ex consecratione, præsertim sacerdotali, cōcipiant.

Ab hoc nimirum dæmone, ab Orpheo poëta Ethnico, & Rabinis, Diaboli mancipijs, Ensoph appellato, qui cū immundus sit, purus, imò sanctus sanctorum dici & haberi vult, quiq; cū sit Angelus noctis tenebrarumq; abyssi, pro Angelo lucis se venditat, à Pistorio inuocato, vel veneratione quadā accepta, per
portas

portas intelligentiarū deriuatur verborum efficacia ad pellendum morbos. Id quod paulò post aliquantum clarius ipse fatebitur.

Accedit huc, quod Picus Mirandulanus, quem Pistorius semel atq; iterum citat, in noningentis suis thesibus sub titulo conclusionum Cabalisticarum fol. 107. ipse fatetur, idem esse Noctem apud Orpheum & Ensoh in Cabala.

Idipsum igitur, mutato saltem nomine, agere haud inmeritò censetur, quod teterrima illa Ophitarum hæresis olim fecisse legitur, quando serpentem coluit, qui Heuam seduxit, veluti sapientiæ authorem.

Quia verò serpentis nomen odiosum & maledictum est, aliæ confictæ sunt, ipsius Diaboli vel serpentis instinctu, appellationes, quæ sanctimoniam quandam præ se ferunt;

cum ille ipse serpens sub illis lateat,
inuocetur, operetur.

de Vanit.

scien. ca.

47.

Qua de re notatu dignum est,
quod Cornelius Agrippa scribit, O-
phitas, Gnosticos, & Valentinianos,
ex Cabalistica superstitionis Iudaico
fermento prodijisse.

De arte

Cabal. li.

3. fol.

§ 2.

De quinquaginta portis intel-
ligentiarum, vniuersitatis conditio-
nem explicantibus, per quas intre-
mus in creaturarum penetralia, scri-
bunt Iudæorum Magistri, referente
Capnione, illas omnes Mosi fuisse
traditas, excepta vna, quia dictum
sit: Minuisti eum paulò minus à Di-
is. Super isto Cabalistarum sermo-
ne dixit Ramban in Geneseos exor-
dio, quòd eiusmodi omne Mosi
traditum per portas intelligentiæ,
contentum est in lege diuina Iudæ-
orum, vel sensu literali, vel allego-
rico, per dictiones, vel Arithmeticas
supputationes, vel geometricas lite-
rarum

rarum figuras, siue descriptas seu transmutatas, vel harmoniæ consonantias, ex formis characterum, conjunctionibus, separationibus, tortuositate, directione, defectu, superabundantia, minoritate, maioritate, coronatione, clausura, apertione, & ordine resultantes: per illam quoque legem adeptum esse Salomonem Regem sapientissimum omne, quod nouerat, & omnia inuenisse in ea per expositiones suas, per grammaticas subtilitates, & per literas eius, & calamistrationes illius.

Mosen igitur legem diuinam peruestigasse tantummodò per nouem & quadraginta portas; quia Deus iuxta suam essentiam, vel iuxta ipsum suum tetragrammaton ipsi non fuerit visus. Post illius mortem Iosue iterum vnam portam fuisse absconditam, & relictas fuisse tantum quadraginta octo; Salomonem labo-

fo. 53. b.

D s

rasse

rasse super illa porta ad reducendū eam, sed non potuisse.

Vides, amice lector, unde Pistorius Apostata tantam sibi sapientiam comparauerit, & ex quibus fontibus miraculosam, vel potius prodigiosam illam sanandi rationē hauerit. Transcendit nimirum totam scalam, & ingressus est cum præceptoribus suis Rabinis cæcis, ducibus & ministris Angelis, quorum paulò post mentionem faciet, per omnes intelligentiarum portas, ita quidē, ut vno gradu, viro DEI Mose, duobus verò, ipsius successore Iosua, & Salomone Rege sapiētissimo factus sit altior.

Quòd autem tota illa narratio de quinquaginta portis intelligentiarum, nihil in se contineat, præterquam vanitates Iudaicas & illusiones diabolicas, apparet primū ex stulta illa & inepta allegatione psal-
mi

mi octauū; Minuisti eum paulò minus ab Angelis; vbi in hebræo textu extat quidē vox אֱלֹהִים à Dijs, sed nihil ibi agitur de Mose, verū de Christo, eiusq; exinanitione & exaltatione.

Deinde ex encomio Mosis, quo omnibus alijs prophetis præfertur, Num. 12. si qs fuerit inter vos Propheta Domini, in visione apparebo ei, vel per somnium loquar ad illū: At non talis seruus meus Moses, qui in omni domo mea fidelissimus est. De ore enim ad os loquor ei, & palām, & non per ænigmata & figuras Dominum videt. Quare ergo non rimuistis detrahare seruo meo Mose? Deut. 34. Non surrexit vltra propheta in Israël, sicut Moses, quem nosset Dominus facie ad faciem.

Tertiò ex ludicra illa & manifesta sacrosanctæ scripturæ deprauatione, quando ex literarum numeris, figuris,

Ephes. 4.

figuris, anagrammatismis, coniunctionibus, separationibus, & similibus ineptijs, allegoricos quosdam sensus & mysteria colligunt. Quæ ratione ex quouis dicto quiduis fieri poterit, donec genuino & literali sensu relicto, nihil certi remaneat. Has verò & similes *κυβείας* eorū, qui scripta *θεόπνευστα* in lusum alcatorium conuertunt, vitare iubet Apostolus, quando nos ad perfectionem fidei & agnitionis filij DEI contendere iubet, ne simus pueri fluctuantes, nec circūferamur quouis vento doctrinæ ἐν τῇ *κυβείᾳ τῶν ἀνθρώπων* (alea veteratoria hominum) ἐν *πανουργίᾳ* πρὸς τὴν *μεθοδείαν* τῆς *πλάνης*, in versutia ad insidiosè fallendum.

Vident autem omnes mediocri iudicio præditi, in descriptione illa artis Cabalisticæ, Rabinorū verbis superius recitata, Cabalistas verba legis vel scripturæ sacræ haud aliter, quàm
more

more καθεύκησθαι tractare, ita vt hebræa
vox כְּלָל nulla dictione græca recti-
us exponi queat, quàm si Cabalam,
καβαλαν, eiusq; doctores ac discipulos,
quos Cabalæos & Cabalistas vocant,
καθεύτας, hoc est, aleatores vel vetera-
tores, q̄ sacras literas instar alex tra-
ctant, appellaueris.

Quartò, quòd Salomoni Regi
sapientissimo, muliebri vel meretri-
cèum quoddam calamistrum quo-
dammodo in manus tradunt, quo
voces diuinæ instar comæ ab ipso fu-
erint calamistratæ, donec per gram-
maticas subtilitates & literarū trans-
positiones cabalisticas, tantam ade-
ptus sit sapientiam, cū ne verbum
quidem ea de re extet, & historia sa-
cra testetur, sapientiam illam fuisse
in ipso singulare ac miraculosum
DEI donum.

Quintò, quòd stulti isti ac cæci
homines, non tam supra Moſen,
quàm

quàm supra Salomonem, qui sapientia nomine omnibus mortalibus præfertur, se extollere non verentur, dum quinquaginta intelligentiarum portas sibi apertas esse aiunt, quarum vna Mosi, duæ verò Salomoni fuerint clausæ & absconditæ.

Oportebat autem mendaces esse memores. Si enim Mosi, Iosua, Salomoni, & reliquis populi Israëliti gubernatoribus non omnes intelligentiarum portæ fuerunt cognitæ, veritati consentaneum esse nequit, quòd ab illis per manuum traditionem fuerint acceptæ.

PISTORIUS.

IN his causa inuestiganda est. Picus ait, Qui denarium Arithmetice formalis, naturamq; primi numeri Sphærici perspexerit, cognoscet, quod reliquis obscuritate occultatum est, secretum quinquaginta portarum intelligentiæ, magniq; Iubilæi, & millesimæ generationis, regnumq; omnium seculorum.

GLOS-

GLOSSA.

HOc ænigma Iohannis Pici Mi-
randulæ Concordiæq; comitis,
extat in postremo capite noningen-
tarum conclusionum, quas Romæ
disputandas exhibuit, fol. 113. Idq;
explicatur à Reuchlino de Arte Ca-
balistica, lib. 3. fol. 52. b. Cunctas
res vniuersaliter in quinas conditio-
nes esse distributas. Esse enim aut
Elementa, aut Elementata, aut ani-
mas, aut cœlestia corpora, aut super-
cœlestia incorporea. Horum for-
tassè quodlibet decem recipere con- Denarij
siderationes, quarum capitula sint:
Genera generalissima, genera speci-
alia, species generales, species speci-
alissimas, res indiuiduas, quæ vlteri-
us consent materia & forma, vel qui-
busdam vtrinque proportionalibus,
contrahi q; singulariter differentijs,
proprietatibus & accidentijs. Si itaq;
ducatur sphaera plana, siue circulus
decem

Num-
rus sphæ-
ricus.

Secretū
quingua-
ginta
portarum.

decem figurarum numeralium super centrum, quod sit quinque, tanquam medium denarii, & in eius circumferentia particulariter denariæ supputationis numeri singuli describantur, transeatque diameter à minimo ad maximum, hoc est, ab uno ad nouem, cuius diuisio duos semicirculos efficiat à duobus ad octo, à tribus ad septem, à quatuor ad sex, à quinque ad quinque. Tum si maximo cuique tantum subtrahatur, quantum abundat supra quinque, quod sit sphaeræ denariæ centrum, atque idem suo minimo addatur, qui à quinque defecit, semper ex utrisque oppositis numeris, quinque & quinque adæquata surrectura. Quinarium illum numerum in circulo denariæ reuolutionis dici sphaericum. Eo per decem multiplicato, nasci quinquaginta, siue portas intelligentiæ, siue annos Iobelaros, cuius proportio dupla,

pla, quæ sit arithmetica formalitas,
 in se multiplicata, millesimam ge- Millesi-
 nationem procreet; quod si per- ma gene-
 petuò sic fiat, apparituram infini- ratio.
 tudinem, quæ sit Regnum omnium
 seculorum, à Cabalistis Ensoph no- Regnum
 minatum, & esse Deitatem ipsam si- omnium
 ne indumento. seculorū.

Ex hac declaratione intelligitur
 non tantum secretum illud Miran-
 dulanum, sed apparet etiam satis e-
 videnter, sub ista verborum obscuri-
 tate latere Magicum quoddam arti-
 ficiū. Magi enim dæmoniacci sphæ-
 ras quasdam vel circulos & caracte-
 res formare, spiritusque exorcizare
 consueverunt, ut iuxta hunc circu-
 lum appareant: uti inter alia videre
 licet in Elementis Magicis Petri de
 Abano, & in pseudomonarchia dæ-
 monum, ubi spiritū quendam, quo-
 rum nomina & officia isthuc descri-
 pta sunt, citare volentes, circulum
 E facere,

facere, & spiritum cum multa intentione vocare iubentur.

Ibidem Concl. 56. & 57. capitis postremi, aliud quoddam mysteriū Cabalisticum reuelat Mirandulanus: Qui sciuerit explicare quaternariū in denarium, habebit modum, si sit peritus Cabalæ, deducendi ex nomine ineffabili nomen 72. literarum (quomodo hoc fiat, infra suo loco dicitur) per præcedentem conclusionem potest intelligens in Arithmetica formali intelligere, quod operari per Schēhamphoras est proprium rationali naturæ. Eadem iisdem verbis refert Scalichius in Mysterijs Hebræorum: canon 25.

Vnde elucescit, hanc, quam Pistorius obscurè docet, sanitatis operationem esse Schemhamphoristicā, à Iudæis, adeoque ab ipso Diabolo ipsorum præceptore mutuata.

Ecce verò ingens mysterium,
quod

quod intelligens potest intelligere, operari per Schemhamphoras, esse proprium rationalis naturæ: & ut ibidem alia conclusione docetur, neminem posse operari per puram Cabalam, qui non sit rationaliter intellectus. Quasi verò nihil aut parum intelligens nesciat, irrationalibus bestiis nugas illas Iudaicas esse incognitas.

PISTORIVS.

Nos verò adiungimus, qui Picum assequitur, & **LATENTES** sequentium doctorum sensus tenet: Et nomen meum Iehouah non indicaui eis: **DEVS** meus es tu; exaltabor, confitebor nomini tuo, quoniam fecisti mirabilia; hunc non desiderare uberiorem disciplinam, quid & cur verba quedam in nos agant.

GLOSSA.

NVLLi sunt in verbis illis sacris sensus latentes, sed *καὶ τὸ ἄκρυτον*; ut sonant & iacent, accipienda sunt.

Quando autem ad alium sensum & vsum accommodantur, istorumque dictorum literis & syllabis, ^{ἐξέγγραφα} quædam, ad morborum curationem, vel ad alium quendam effectum producendum tribuitur: non fit illud sine horribili & blasphemio illorum abusu. In hunc enim vsum nomen Dei nec revelatum, nec scriptum est: ideoque si quis effectus sequitur, is nequaquam DEO, qui omnes sacratissimi nominis sui abusus, in lege sua cum comminatione temporalium atque æternarum poenarum seuerissime prohibuit, sed diabolo, tanquam causæ efficienti est tribuendus: qui & ipse verbis sacris vult honorari, ut ex Caietano refert Gregorius de Valentia, disp. 6. quæst. 13. p. 2.

PISTORIUS.

Per tres igitur finitores illos summos, qui ^{ἀντιπύλαι} quaginta portas complectuntur, vis admirabilis

*bilis in voces emanat, omnipotentia diuine ra-
dius singularis, virtus transiit in nos ab Ange-
lis administris deducta.*

GLOSSA.

Quia de tribus illis, quos supra
nominauit, finitoribus, vt &
de quinquaginta portis intelligenti-
arum, in sacris literis veteris & noui
Testamenti, scriptorumque Ecclesi-
asticorum monumentis, nihil pror-
sus legitur: tales etiam finitores citra
manifestam implicationem contra-
dictionis statui non possunt: Deniq;
finitores illi ac portæ intelligentia-
rum, ab ijs confictæ sunt, qui magi-
cis artibus fuerunt dediti: constat, ist-
hinc nullam ab omnipotentia diui-
na in voces emanare virtutem, sed ab
Ensoph illo, quem supra nomina-
uit, quo nomine verus & omnipo-
tens DEVS nunquam & nusquam
à seipso, vel à pijs hominibus fuit
appellatus.

E. 2.

Omni-

Omnipotentia DEI radius singularis, virtusq; παντοκρατορ conſpicitur in herbis, radicibus, leguminibus, arborumq; fructibus, ad ſanitates efficiendas, ad valetudinem conſeruandam: non in vocibus, quibus nec DEVS, nec Angeli beati ad valetudinis curam vti, ſed dæmones, qui & ipſi Angeli ſunt ac dicuntur, per Magos hac ratione hominibus illudere, ſuperſtitionemq; idolatricam confirmare ſolent.

PISTORIUS.

HEc, fateor, nemo intelligit, qui triginta duas nobis à maioribus propoſitas ſemitas non accuratè animo comprehendit, aut in Cabbala non eſt verſatus.

GLOSSA.

MAiores varij ſunt. Habent enim pij & orthodoxi omnes, ſuos maiores, ſanctos nimirum patres, prophetas, Chriſtum eiudemque

que Apostolos: quos interrogare & imitari iubet Ieremias Propheta cap. 6. Hæc dicit Dominus: State super vias, & videte, & interrogate de semitis antiquis, quæ sit via bona, & ambulate in ea, & inuenietis refrigerium animabus vestris. Habent omnes familiæ suos maiores vel progenitores. Habēt hæretici suos maiores, hæreseōv autores aut renouatores. Habent & Magi suos maiores, Zoroastrum primum magicæ artis inuentorē, & complures alios: præfertim verò Rabinos cæcos & maledictos, qui ex decem numerationibus Belima, & 22. literis iunctis, faciunt consurgere numerum semitarum, iuxta quod scriptum est in Iezira, & Rabi Cohin, qui dicit: Antiqui patres ambulauerunt per vias multas, vt tandem starent in semitis istis. Singulis illis semitis vel itinibus sapientiæ, certa imposuerunt

Paulus
S. alich:
in Myt.
heb. ca.
28. En-
cyclope-
dia, pag.

nomina, quæ recenset Reuchlinus
lib. 3. fol. 54. & 55.

Turpe autem est homini, qui
pro Christiano se venditat, istorum
maiorum vestigijs insistere, sicque
sapientiam à stultis discere, de semi-
tis ac portis cæcos interrogare: præ-
sertim verò vestigia illa hominē Chri-
stianum abstertere debebant, quod
ibidem Simon Iudæus refert; 50. por-
tas prudentiæ, & 32. semitas à maio-
ribus traditas, maximam vim habe-
re ad cohortandū nos, vt ferme sem-
per cum Angelis versēmur in contē-
platione summarum & diuinarum
rerum, quibus si familiares esse cœ-
perimus, nihil nobis fore aut dictū
aut factū difficile. Quibuscum An-
gelis autem Iudæi, à Dei & beatorum
Angelorum facie abiecti, in contem-
platione diuinarum rerum versē-

Eccl. 6. 29. tur, ex sacris literis satis est manife-
Psal. 69. sum.
Esa, 11.

Hic

His Angelis, qui vulgò dæmones & Diaboli dicuntur, Pistorius per portas & semitas illas factus familiaris, ferè semper cum illis versatur. Mirum igitur non est, quòd de rebus summis & diuinis, quas modo ordinario nunquam didicit, disputare, pro defensione doctrinæ anti-christianæ libros scribere, viros innocentis, & de Ecclesia præclarè meritos, calumnijs proscindere, verbis morbos curare, ipsi non est difficile.

Ad magicæ operationis efficaciam Cabalā, necessariò requiri, Scalichius quoq; refert in mysterijs Persarum, Can. 6. Nullam posse esse operationem magicam alicui⁹ efficaciam, nisi annexum habeat opus Cabalæ, explicitum vel implicitum. Eadem thesis extat in conclusionibus magicis Pici Mirandulani, concl. 15. pag. 105.

Habet autem vox Cabala vel

Es

Kabala

Kabala originem suam ex radice
 קבל vel קבל quod est suscipere, reci-
 pere, acceptare, vnde Cabala doctri-
 nam notat ab alijs orétenus acceptā
 per manuū traditionem transfusā
 קבלה Receptio, hoc est, receptum
 doctrinæ genus, quod non manda-
 tum fuerit literis, sed viuavoce tra-
 ditum, græcè παραδοσις, Traditio.
 Lexic. hebr. co- Hanc de rebus serijs, totoq; DEI cul-
 lam. tu & mysterijs magnis fuisse scribit
 2400. Sanctes Pagninus: à posteris verò &
 recentiorib⁹ Hebræis magna ex par-
 te in nugas, & curiosiores ac super-
 stitiosiores numeros, pythagoreorū
 more, & literarum aut nominum in-
 uersiones, transmutationes seu trās-
 formationes & anagrammatismos mu-
 tatam, quibus impius accesserit ab-
 usus.

Quia enim scripto DEI verbo
 contenti non erant, ex quo omnia
 quæ

quæ ad salutem vtilia ac necessaria erant, discere potuissent, teste Apostolo, 2. Timoth. 3. factum est, vt nugis & commentis illis vanissimis se oblectent, quibus Satan ipse se immiscuit.

Hæc Cabala, quam Pistorius in sequentibus illustrem scientiam, arborem raritatis, & disciplinam grauissimam vocat, ab Ecclesia damnata est, teste Sixto Senensi monacho ordinis prædicatorum, in Bibliotheca sancta. lib. 2. pag. 64. vbi duplicem facit Kabalam, veram & falsam: Veram vocat, quæ arcana sacræ legis mysteria iuxta anagogen elucidet, quam Mirandulanus quoq; ex sententia Rabi Mosis Ægyptij commendat, deq; ea Esdræ septuaginta libros scripssisse refert, idq; dicto quodam Esdræ cap. 14. probat: qui liber ab Ecclesia quoque Romana inter apocryphos ponitur: addit etiam li-

in Apol
pa. 123.

præfat.
Bibl. Ro-
mæ im-
press.

bros

bro illos à se non mediocri impensa comparatos & lectos, seq; in illis Religionem non tam Mosaicam, quam Christianam deprehendisse. Qua de re quid sentiendum sit, non est huius loci explicare, cum de arcana illa legis explicatione iam nulla sit quaestio, sed de altera illa, quam Pagnina paulò antè superstitiosam dixit. De ea sic scribit Sixtus ille: Falsa atq; impia Kabala, est e mentium quoddam Iudaicæ traditionis gen⁹, quod improbi quidam Iudæi, à Mo- se ex Patribus vsq; ad ipsos emanasse dicunt, innumeris vanitatibus ac falsitatibus refertum, nihil aut parum à Necromantia distans. Explicat enim secreta quædam DEI nomina, ipsorumq; virtutes occultas, quibus ad ligandos dæmones, & ad præstigia faciēda Necromantici nonnulli apud Iudæos vtuntur, asserentes, Christum nostrum huius artis ope omnia miracula

racula edidisse. Hoc igitur superstitiosum genus, Kabalā impropriè appellatū, Ecclesia proximis anis merito damnauit. Haften⁹ S. Senēsis.

Hanc igitur Kabalam, quæ secretis quibusdam DEI nominibus, præsertim verò tetragrammato יהוה latentes vel occultas quasdam virtutes tribuit, cū contra Ecclesiæ non tam orthodoxæ, quàm papisticæ censuram, commendet & vsurpet Pistorius: nemo nobis iure succensabit, si ipsum tanquam Iudæum improbū, superstitiosum, necromanticum, ab vniuersa Ecclesia damnatum, fugiendum esse censeamus.

PISTORIUS.

Illis tamen est satisfactum, qui bonum studium illustri scientiæ nauarunt, cum reliquis paulò clarius agemus.

GLOSSA.

Pli homines in *ματαιότητις* istas nihil studij aut operæ ponunt, memo-

memores præcepti diuini *Leuit. 19*:
Non declinetis ad Magos, nec ab Ari-
olis aliquid sciscitemini, vt pollua-
mini per eos, ego Dominus DEVS
vester.

Henricus Cornelius Agrippa à
Nettesheym, de incertitudine & va-
nitate scientiarum cap. 47. scriptum
reliquit; se Cabalæ artem, quam ia-
ctent Hebræi, multo labore aliquan-
do fuisse scrutatum: agnoscere verò
illam non nisi meram superstitionis
Rapsodiam, ac theurgicam quandā
magiam: quam capite præcedente
sapissimè sub DEI & angelorum no-
minibus, malis dæmonum fallacijs
obstrictam esse asserit. Paulò post eo-
dem capite ait: Iudæorum Cabalam
nihil aliud esse, quam perniciosissi-
mam quandam superstitionem, quæ
verba, & nomina & literas sparsim in
scripturâ positas, pro arbitrio suo
colligant, diuidant, transferant, &
alte-

alterum ex altero facientes solvant membra veritatis, sermones, inductiones & parabolas hinc inde exprijs fictionibus construentes, quibus aptare velint eloquia Dei, infamantes scripturas, & docentes suâ figmenta ex illis constare.

Alius quispiam Pistorij in eam quam nunc amplectitur religione *ὁμοψύχῳ*, Benedictus Pererius Iebusita non ita pridem scripsit, adeo in-eruditam, insulsam & ridiculam esse Cabalistarum opinionem, ut nihil æquè mirum sit, quàm vlli hominū sanæ mentis aliquando eam probari, & persuaderi potuisse: sed esse profectio ingeniorum & hominum mōstra quadam & portenta, è quibus eiusmodi opinionum commenta & deliramenta proficiscantur.

Videte obsecro Iebusitæ: quale monstrum & portentum, ad defensionem Ecclesiæ & religionis vestræ nacti fueritis,

Au-

De Mas
gialib. 1.
cap. 10.
pag. 646
Lugd.
Anno
1592.

Audiamus autem Pistorium, Magicam artem paulò clarius profitemtem. Pollicetur enim, se cum ijs, qui Cabalæ ignari sint, paulò clarius acturum.

PISTORIUS.

Quod in quaque re primum est, hoc consequentibus & posteris omnibus agendi potentia anteire debet. Natura in voce primum *MAGIAM* exercuit. Magia igitur præcipue in verbis posita est.

GLOSSA.

Magiam dæmoniacā præcipue in verbis, præsertim barbaris, hebræis, vel inde proximè deriuatis, positam esse, haud difficulter largimur, non quòd aliqua ipsis insit δύς *vocis* ἐνεργητικὴ, sed quòd Dæmones per illa operationes suas exercere soleant, quibus voces barbaræ eò sunt gratiores, quò magis spectāt ad confirmationē superstitionis, quòd ipsis
voca

vocum & literarum characteribus,
vis quædam insit. Astipulatur e-
nim illi Paulus Scalichius, vbi Persa-
rum mysteria describit, quorum ca-
non octauus sic habet: Qui scit, quo-
modo omnium rerum esse atq; ope-
rari à summo DEO omnium creato-
re dependet, sciet, vnde quælibet vox
virtutem habeat in Magia & efficaci-
am, quomodo illud, in quo primùm
magica exercetur natura, vox sit Dei:
& quomodo quælibet virtus in Ma-
gia, voce Dei formatur. Et qui di-
cta intelligit, intelliget, quare non
significatiuæ voces plus possunt in
Magia, quàm significatiuæ: & cur so-
la hebræa nomina, vel inde proximè
deriuata, in magico opere virtutem
habeant. Hæc omnia reperiuntur
etiam in conclusionibus Mirandula-
nis, fol. 105. Quòd autem dicitur,
Naturā ipsam in voce primùm Ma-
giam exercuisse, si hanc habet senten-
tiam,

tiam, quòd DEVS per vocem illam
 τετραγράμματον **ΙΗΙΩ**. hoc est, per illas
 literas, ac syllabas, cœlum, terram,
 mare, & omnia illorum contenta
 condiderit, vel per 72. Angelos, quos
 arte sua Cabalistica ex illo Sacrosan-
 cto **DEI** nomine colligunt: falsum
 hoc est, dictuq; blasphemum. Non
 enim per quatuor illas literas, nec per
 Angelos, qui & ipsi sunt Dei creatu-
 ra; sed per τὸν λόγον ὑποστατικόν, ὁμοῦσι-
 ον, συναίδιον καὶ ὁμότιμον, visibilia & in-
 visibilia omnia creauit, teste Mose in
 historia creationis: Dixit DEVS, Fi-
 at lux, & facta est lux. Dixit DEVS,
 Fiat firmamentum in medio aqua-
 rum, &c. Interprete verò Dauide,
 Psal. 33. Verbo Domini cœli firmati
 sunt: Et Ioanne Euangelista, cap. 1.
 Omnia per ipsum, λόγον, facta sunt:
 Paulo Apostolo, Coloss. 1. in ipso Fi-
 lio condita sunt vniuersa in cœlis &
 in terra, visibilia & inuisibilia, thro-
 ni, dominationes.

PISTO-

NEq^{ue} absurdè à Rabano constitutum fuit, collatione multarum rationum, antequàm mundus fabricaretur, DEVM fuisse, ill. usq^{ue} nomen.

GLOSSA.

QUòd DEVS fuerit ante mundi creationem, id nec Rabani Episcopi olim Moguntini, nec Rabini cuiusdam doctrina vel testimonio opus habet, cum ex oraculis diuinis satis sit cognitum.

Ad nomen verò Dei quod attinet, dupliciter illud accipitur. Vna enim significatione per nomen Dei ipse DEVS intelligitur, vt quādo dicitur Prouerb. 18. Turris fortissima nomen Domini, ad ipsam currit iustus, & exaltabitur. 1. Sam. 17. Tu Goliath, venis ad me cum gladio, & hasta, & clypeo: ego autem venio ad te in nomine Domini exercituum, DEI agminum Israël, quem probris

affecisti. Altera significatione per Nomen Dei intelligitur externa illa appellatio, qua ab omnibus creaturis discernitur certo quodam nomine, veluti nomine *יהוה* ex quatuor literis consonantibus conflato. In priore significatione rectè dicitur, Nomen DEI, hoc est, ipsum Deum, imò ipsum nomen Iehouah extitisse antè mundi fabricationem. Quia ille ipse erat, qui Iehouah est & dicitur. Quòd autem extra ipsam diuinam essentiam, quatuor illæ literæ uspiam extiterint, ex quibus nomen illud *יהוה* conficitur, veritati non est consentaneum. Quia extra DEVM ipsum, ab æternò nihil fuit. Iuxta figmenta Cabalistica, quæ *יהוה* illud, 72. Angelos in suo complexu comprehendere dicitur, necessario sequeretur, Angelos quoque illos fuisse ab æterno ante mundi constitutionem, si nomen illud

Iud fuit ab æterno. Quod à fide & Religione non tam Christiana, quàm antiquorum Iudæorum est alienissimum.

Cùm igitur falsum sit, quod hic pro confessio præsupponitur, quod nimirum illæ quatuor literæ fuerint, ex quibus nomen DEI constat; cuius interpretationem Schemhamphoristicam, ad operationes magicas producendas vtilem esse Iudæi necromantici, eorumq; assæcla Pistorius, sentiunt: concidit etiam, quod in sequentibus superstruitur.

PISTORIUS.

SI autem verba rerum sunt congruentes con-
signationes, eadem erit huius rei ad hoc no-
men, quæ alterius ad alterum ratio, & ex Eucli-
de, eadem rei ad rem, quæ ad verbum verbi fue-
rit. Infinita igitur substantiæ, nomen conveni-
et infinitum. Nulla verò planè est, in qua non
possimus finitam, & veluti circumscriptam Dei
imaginem contineri. Si quis nunc percontetur,

cur in agendo herbam nomini anteponant, finitum infinito, assensum firmè sustinere non possunt, vetusq; sententia tota elabitur.

GLOSSA.

HVI^o ratiocinationis, in qua singulari studio obscuritatē se affectasse fatetur, hæc videtur esse sententia: si DEVS est æternus & infinitus, ergo & nomen Dei Iehouah est æternum & infinitum. Sed DEVS est æternus & infinitus. Ergo & nomen Dei Iehouah est æternum & infinitū, & consequenter plus efficaciarū illi tribuendum, quàm plantæ finitæ, in qua finita tantum & circumscripta Dei similitudo cernitur. Quis fit igitur, quod Medici plus efficaciarū tribuunt herbæ, quàm nomini Dei Iehouah?

Falsa autem est consequentia maioris. Nam ab essentia Dei, ad nomen illud *τὸ ὀνομαζόμενον* non valet consequentia. Non sequitur: DE-

VS

VS est infinitus: Ergò nomen quoque illud est infinitum: si enim infinitum esset, non sufficerent illi quatuor consonantes, & tres vocales, imò totum alphabetum hebraicum, omniumq; linguarum literæ, quæ vnquam in mundo fuerunt & sunt, non sufficerent. Pari ratione à plantis ad ad vocem nominis diuini, vana & falsa est consequentia. Plantis enim & herbis DEVS vires quasdam attribuit, infinitæ suæ omnipotentiaë testes, non literis consonantibus aut vocalibus, ac syllabis ex illarum compositione conflatis.

Ex hac falsitatis & vanitatis ostensione, verorum medicorum sententia immota subsistit: Magorum verò supstitutio tota, vt Pseudomedici verbo utar, elabitur vel euanescit.

PISTORIVS.

Sed eo se ad repugnandum moueri inquiunt, quòd & quantitates sine verba, quæ ab acti-

one Philosophi semouent: & extra speciem morborum versentur, cum tamen sua specie quiduis in agendo circumscribi soleat.

GLOSSA.

VNa maxima hæc est, & immota Philosophorum regula: Quantitatum nullam esse efficaciam. Vnde facile est, subsumpta minore facere conclusionem: Verba sunt quantitates. Ergò verborum nulla est efficacia. Alterum quoq; argumentum ratione non caret, quòd verborum in morbis nulla sit actio, cum extra naturā morborum versentur. Verbalis igitur illa morborum curandorum ratio, his duobus arietibus haud leuiter concutitur, imò euertitur.

Vera medicina consistit in abolitione causarum morbi, quibus incognitis perperam curantur, magno cum discrimine & funesto agrotantium malo. Illa autē abolitio à contrarijs

trarijs fit, iuxta axioma verissimum:
Contraria contrarijs curantur. Ac
pro diuersitate causarum, variæ etiâ
medicationes adhiberi solent. Mor-
borum autem causa physica non cō-
sistit in verbis & nominibus, præser-
tim sacris. Ideoq; per illa rectè non
curantur. Hanc quæstionem Plini-
us quoq; mouet hist. natural. lib. 28.
cap. 2. An sit in medendo aliqua vis
verborum, & sanari & depelli. Re-
spondet, rem esse maximæ quæstio-
nis & semper incertæ, valeant né ali-
quid verba & incantamenta carmi-
num. Quod si verum sit, homini ac-
ceptum ferendum esse remedium,
sed viritim sapientissimi cuiusq; re-
spuere fidem.

PISTORIUS.

Relicto iam illo, quod Philosophi quidam
aiunt, multi negant, quantitativam vim
ingenitam, aut potentiam nullam esse. Repu-
gnant enim Pythagoræi & Theologi quidam.

hoc constituendum est, qui non aliter se posse verborum actionem frangere arbitrantur, hos nequid loquantur, neq. de quo disputemus, quicquam intelligere.

GLOSSA.

DE Pythagora Philosopho scribit Augustin⁹ Retractationum lib. 1. cap. 3. non placere sibi, quod Pythagoræ Philosopho tantum laudis dederit, ut qui hanc legit vel audit, possit putare, se credidisse, nullos errores in Pythagorica esse doctrina, eum sint plures, iidemq; capitales. Chrysostomus Pythagoram illum in-

Tom. 3.

in Euan.

Johan.

Hom. 1.

numera magicæ genera novisse, aquas & boues, quibuscum locut⁹ fuerit, præstigijs allexisse, mædacijs ignaros decepisse refert. In ipsius igitur verba & opiniones iurati non sumus.

Inter Theologos orthodoxos nemo est, qui sentiat, verbis per se consideratis, quatenus ad prædicamentum

mentum Quantitatis pertinent, & absolutè considerantur, vim aut potentiam quandam esse ingenitam. Quòd autem verbis sacramentalib⁹ Baptisimi, cœnæ Dominicæ, Absolutionis, haud vulgaris, sed ingens diuinaq; vis tribuitur, ea non ex litterarum & syllabarum quantitate, aut Ministrorum recitatione, sed ex ipsi⁹ Dei ordinatione oritur, cuius vis & efficacia semper durat, quando iuxta illam sacramenta ritè administrantur, aut pœnitentibus atq; credentibus peccatorum remissio in nomine Christi annuntiatur. Sicut virtus verbi illius diuini : Germinet terra herbam virentem : singulis annis in Gen. 12 vniuerso terrarum orbe cernitur. Si homo quispiam absq; diuino mandato millies hoc diceret, nullus sequeretur effectus.

AB ENSOPH dicebamus per tres finitōres descendere causam. Cum verò nulla sit in excelsō cœlo quantitatis ratio, equis adeo insipiens est, ut verba tanquam ποσότητες credat agendo excellere? Quod si fixum apud illos esset, nos hanc cabalisticam literam male faceremus, neq; terminaretur diuina perceptio Horizonte æternitatis temporalis.

GLOSSA.

DE Ensoph, quem vocat, ut & de tribus finitoribus & litera Cabalistica suprā dictum est. Obseruanda autem hoc loco primūm ἀντιλογία. Nam in toto hoc tractatu hoc agit, ut ostendat, in VERBIS quibusdam sanationem positam esse, iisdemq; perspicuas agendi vires inesse, qua phrasi paulò post utitur. Interim quia non habet, quod ad aduersæ partis argumenta, paulò antè posita, respondeat, concedit illis, quatenus verba vel ποσότητες sunt, vires nullas inesse, sed causam effectus ab Ensoph descendere. Vox

Voxilla, Ensoph, quæ in sacris literis nec Deo, nec Angelo cuidam bono, nec homini alicui tribuitur, ideò excogitata est, quia iuxta regulam Magorum, nulla nomina ut significatiua, & in quantum nomina sunt, singula & per se sumpta, in Magico opere virtutem habere possunt, nisi sint hebraica, vel inde proximè deriuata. Et non significatiuæ voces plus possunt in Magia, quàm significatiuæ. Quam ob causam sacerdotes quoq; gentilium, Egyptiorum, Assyriorum, & aliarum gentium, teste Porphyrio & Iamblichus, uti solebant nominibus quibusdam nihil significantibus, ac inter nomina diuinorum, hoc est, dæmonum, quos colebant, barbara cæteris anteponebant, quòd totum illum sermonem à Dijs illis approbari intelligerent, tanquam sacris suis maximè congruentem. Id quod à primo Magico

Picentii
Concl.

fol. 105

Iambl. B.
de My-
serijs, c. 1.
de nomi-
nibus di-
uinis.

Francisci
Patricij
Zoroaster
fol. 11.
b.

gicæ artis inuentore Zoroastro didi-
cerunt, inter cuius oracula ex Plato-
nicorum libris fragmentatim colle-
cta, hoc quoq; præceptum reperitur:
Nomina barbara nunquam muta-
ueris: Sunt enim nomina apud sin-
gulos à Deo data, potentiam in sacris
ineffabilem habentia. Eod. lib. cap.
Non fieri in sacris opus alicuius effi-
caciæ, nisi per potentiam imò & præ-
sentiam numinis alicuius. Idem
Iamblichus scribit, in religione non
posse fieri opus vllum alicuius mi-
rabilis efficacix, nisi adsit illic supe-
riorum aliq; spectator operis & im-
pletor. Superos autem triplices ef-
se ait: Deos qui absoluta, angelos
qui media, dæmones qui tertia du-
cant opera. Hi nominibus barba-
ris nihilque significantibus à suis sa-
cerdotibus salutabantur. Extat Ca-
talogus principum & regum dæmo-
niorum, ex Acheronticorum Vasa-
lorum

Ioh. VVi-
eril. b. de
p. 281g.
dæmon.
solum.
213.

torum archiuo subtractus, in quo omnium Regum, Ducum, Marchionum, Præsidum, Comitum, ut vocantur, nomina, aut sunt barbarâ, aut hebræa, vel inde proximè deriuata.

Maiores igitur suos imitatus Pistorius, ipse quoq; curationibus suis magicis quendâ ex Superis Spectatorem & causam operis constituit, qui cum nec Deus sit, nec Angelus bonus, nec homo quispiam beatus, haud difficile est diuinare, quem illum esse oporteat. Horrendum autem est audiri, quòd ad diabolicum istud opus & commercium, adhibetur litera cabalistica ex nomine Dei **יהוה** quod Cabalisticis suis interpretationibus multis modis prophânât Christianorum hostes Iudæi, dum interim videri volunt nominis istius summi veneratores.

PISTORIUS.

Itaq;

Itaq; illos imperitos nemo de sua opinione fortassis depellet. Non enim in hunc laborem, ut omnibus persuadeat, debet se sapiens committere. Nos autem ea magna luce circumfusa possumus agnoscere, & animos in ea intendimus, qua neminem decipiunt.

GLOSSA.

Nihil noui est, quòd Satan eiusdemq; ministri, pro sua ambitione ac supbia, se solos pulchrè sapere opinantur, omnesq; à se dissentientes, tanquam imperitos & stultos fastidiunt: quodq; in Angelos lucis se transformant, suaq; dogmata pro oraculis diuinis haberi volunt, deniq; in luce versari se putant, quando in tenebris ambulant. Quam ob causam homines naturâ superbi & ambitiosi, qualis omnium testimonio fuit, & etiamnum est Pistorius, Diabolo ad magicarum artium doctrinam, vel ad hæreseos defensionem, omnium maximè sunt accommodati.

dati. Illis euenire solet quod Paulus Apostolus de gentiliū Philosophis scripsit, Rom. 1. ἐματαιώθησαν ἐν τοῖς διαλογισμοῖς αὐτῶν, καὶ ἐσκοτίσθη ἡ αἴσινετ. αὐτῶν καρδία, φάσκοντες εἶναι σοφοὶ ἐμωράνθησαν, hoc est : Vani facti sunt in ratiocinationibus suis, & obtenebrarum est desipiēs cor eorum : cum se profiterentur esse sapientes, STULTI facti sunt.

PISTORIUS.

NEq, id obsistit, quod illi putant, si susurris constet sanatio, vetulas optimè mederi, & artem medicam non multum negotij continere. Arbor raritatis Cabala est, & disciplina grauissima, quam totam solus Mesiah percepit. Si quid vetule sonis inanibus imitantur, id nos non possumus tueri, quod illæ ex his studijs, quæ nos sequimur, non sunt consecutæ : sed vel casu, vel demonis auxilio efficiunt, quædam pauca ex vera Magia arripiunt.

GLOSSA.

INter vetularum & Pistorij curationem, quam ipsemet vocat magicam,

cam, nullum est discrimen, præterquam quod ille artem suam ex doctrina Cabalistica, vetulis magna ex parte ignota, consecutum esse asserit. Nam utraque verbis constat: utraque nomine Dei contra secundum Decalogi præceptum abutitur: utriusque effectus, si non casu, attamen demonis auxilio efficitur. *DEVS* enim illum sacratissimi nominis sui abusum, nec probat nec iuvat, sed prohibet & punit in hoc & futuro seculo.

Quid de Cabala, quam raritatis arborem ac disciplinam grauissimam vocat, sentiat Ecclesia, non tam orthodoxa quam Papistica, paulò antè ex verbis Sixti Senensis est ostensum, cui accessit Henricus Cornelius Agrippa, qui eam multo labore scrutatus fuit, donec didicit, Cabalam illam Iudæorum, perniciosissimam esse superstitionem, à qua, ut & omnibus alijs

alijs vanitatibus magicis, omnes ho- Devanic.
mines fuit dehortatus, nisi cum Ian- scient.ca.
ne & Iambre, & Simone Mago æter- 48.
nis ignib⁹ cruciandi destinari velint.

Quòd autem disciplinam illam
totam solum Messiah percepisse di-
cit: operæ precium erit referre, quæ
de hac Messia vel Iesu Nazareni per-
ceptione Cabalistica, Iudæi, ipsi⁹ Mes-
sia, totiusque religionis Christianæ
hostes & calumniatores, mendacia
excogitarint, quantasq, blasphemias
effundant, quando ipsum miracu-
la sua per Schemhamphorasch, hoc nomen
est, per nomen Iehoua, arte Cabali- שם ה'מ
stica explicatum, enarratum aut ex- פירש
positum fecisse dicunt, ut hinc quo- explica-
que innotescat, quid de fide & religi- tum.
one Pistorij Apostata, qui ex Iudæo- expositum.
rum placitis istud mutuatus est, sen-
tiendum sit. Impudentissimas au-
tem, horribiles, ac blasphemias illo-
rum ea de re nugas, recenset Iohannes

Purchetus in primâ parte suæ refutationis contra Iudæos, cap. 11. eiusdemq; verbis in linguam germanicâ conuersis, Martinus Lutherus in libello de Schemhamphoras & de profapia Christi, Tom. 8. Ienens. fol. 109. Tempore Helenæ reginæ Iesum Nazarenum Ierusalem venisse, & in templo lapidē, super quo olim arca fœderis collocata fuerat, reperisse, cum inscriptione Schemhamphoras. Huius si quis literas didicisset, & probè intellexisset, absq; mora potuit miracula facere. Quia verò seniores populi Iudaici metuerant, ne cognita arte Schemhamphoristica, totum euerterent mundum Israëlita, idē duos ex ære fusos canes, duabus columnis impositos, ante ostium Sancti sanctorum collocârunt. Si quis verò ingressus illum locum, Schemhamphorasch literas didicisset, atq; illarum sensu intellecto egrederetur, cum

eum tanta rabie allatrabāt illi canes,
vt præformidine nominis illius & li-
terarum cognitarum penitus obli-
uisceretur: Iesum verò Nazarenum
ingressum in sanctuarium, non so-
lùm didicisse illas literas, sed etiam
inscriptas mēbranæ in scissā sūra sche-
dulam abdidisse, & post impositam
scripturam rursus cutem suræ coalu-
isse. Latrantibus verò illis canibus
in egressu ipsius, ei pariter literarum
mysticarum obliuionem inductam
fuisse, quarum sensum dōmum re-
uersus, cultro sūra aperta, ex inser-
ta scheda, de integro discere neces-
sum habuerit. Deinde collegit, in-
quiunt, Nazaren⁹ ex Israëlē iuuenes
trecentos & decem, illosq; ita allocu-
tus fuit: Scitis iuuenes ad meliora
nati, quòd nostri sapientes me spu-
rium vocent, vt præ me Israëlī impe-
rent. Verùm enim verò nemini ve-
strum ignotum est, Prophetas de na-

scituro Messiah prædicasse. Sic enim ille Propheta dixit: Almam esse grauidam, filiumque parituram, cui nomen est Immanuel. De me quoque meus proauus ita locutus legitur: Filius meus es tu, hodie genui te. Ego verò sum ille ex Alma intemperata natus, sine viri semine per Dei virtutem. Ipsi ergò, non ego, sunt spurij, quorum Deus iuxta sermonem Hoseæ nolit misereri. Cui iuuenes responderunt: si verus es ille Messias, firmabis id miraculo aliquo. Cumque adducerent claudum, qui nunquam pedibus innixus fuerat, & leprosum, pronuntiato super utroque Schemhamphoras, utriusque sanitatem de repente restituit. Quo miraculo viso, iuuenes stupefacti, illum Messiam proclamârunt, multiq; ex fece populi illi adhæserunt. Seniores verò metuentes conspiracyonem & seditionem, captum Nazarenum

ad

ad Helenam duxerunt, eumq; de seditione & Magia, qua fascinare & seduceret populum, accusarunt. Iesus verò ad Helenam: Ne mireris Regina generosa hæc, scriptum enim est, furculum ex radice Isai nasciturum, Ego verò sum ille furculus. Tunc Helena ad seniores: Agnoscitisne hæc in lege vestra scripta? Illi annuunt: sed de Iesu intelligenda esse pernegant: quin potius illud de hoc accipiendum esse dicunt, Deut. 13. qui contra Deum locutus fuerit, neci detur. Hoc verò de Messia scriptum legimus, Eius tempore Iudam saluandum, & Israël em confidenter habitaturum. Ad hæc ille Nazarenus: Ego sum qui mortuos excitare possum. Helena verò, vt experiretur, vtrum verba factis responderet, mortuum illi ostendit, quem cum Nazarenus per Schemhâphoraschẽ mortuis suscitasset, omnes timore fue-

runt perculsi, & regina ipsa stupefacta absoluit Iesum. Deinceps Iesus profectus in Galilæam, non minùs ibi, quàm Hierosolymis miracula edebat. De nouo ergò seniores Iudaici Iesum accusant, quòd omnia per Magiam efficeret, ideò vinctum iussu Helenæ, eum ex Galilæa abducere tentabant, sed refragantibus Galilæis, re infecta lictores redierunt. Galilæi verò è luto auiculas formabant, Quòd si Christus Schemhaphorasch super illis pronunciaffet, subito animatæ auolarunt. Iussit quoq; vt molaris lapis in aquas projiceretur, Qui cum super eo Schemhaphorasch dixisset, cœpit aquis innatare, qui quamuis Christus insideret illi, non mergebatur. Ambulabat quoq; Christus super aquis pedibus non mersis. Hæc cum mulieres Helenæ & ipsa regina vidissent, exclamarunt: Dei filius hic reuera est, nec est

est vt de Magia accusetur. Ad quam Iudæi: Ne credas Regina, propediem hanc fraudem detectam tibi ob oculos ponemus. Iudam ergo Iscariotem in sanctuarium intromiserunt, vt eodem modo, quo Nazarenus disceret Schemhamphoras, & in dissecta carne scripturam illius conseruaret. Eodem tempore Iesus venit ad Helenam, seq; à canibus circumdatum fuit conquestus, & dixit ad Reginam: Ascendam ad cœlos. Ita enim Dauid prædixit: Eleuare Deus super cœlos. Expansis igitur manibus instar alarum, per Schemhamphoras volabat medius inter cœlum & terram. Quod cum vidissent sapientes Iudæorum, ad Iudam Iscariotem dixerunt: Dic Schemhāphoras, & volatu insequere illum Nazarenum. Qui cum dixisset, extensis brachijs, sursum volauit, atq; in altissimo aëre cum Nazareno acriter

G s conce-

concertauit, adeò vt confertis manibus vterq; decideret, sed ille Hano-
zri brachium fregit, quem casum &
fractionẽ adhuc Christiani quotañis
tempore Paschatos lamẽtabiliter de-
flent. Eo itaq; tempore ceperunt Iu-
dæi Christum, & adductum ad Hele-
nam, inuolutũ linteis, virgis & ramis
malorum punicorum percusserunt
dixeruntq;: Si Dei es filius, dic quis
nostrum te percussèrit? Ille verò id
diuinare nequiuit. Hac fraude anim-
aduersa, Helena in Iudæorum manus
tradidit illum Nazarenum, quem li-
gatum ad suspendium ducebant, sed
quocunque in ligno vel arbore eum
suspendebant, ea frangebatur, quòd
omnia ligna per Schemhamphoras
eiurarat, ideò caulæ brassicæ, natæ in
sanctuario, ex qua ad minimum cen-
tum libræ seminis colligebantur,
eum suspenderunt.

Hæc

Hæc, inquam, sunt Iudæorum,
vel potius ipsiusmet Draconis anti-
qui figmenta de miraculis Iesu Naza-
reni, in contumeliam Christi, eius-
demq; miraculorum quæ negare nō
poterant, totiusq; religionis Christi-
anæ excogitata, in quibus multa cō-
currunt, quorum vanitatem quiuis
facile videre & manibus quodamō-
do palpare potest. Qualia sunt: 1.
Accusatio Iesu Nazareni apud Hele-
nam, quæ trecentis propè annis post
Christum, non in Iudæa, sed in Græ-
cia vixit. 2. Inuentio artis Schem-
hamphoristicæ in templo Hierosoly-
mitano, ducentis plus minus annis
ante natiuitatē Helenæ funditū di-
ruto. 3. Canes ænei ante ostium san-
cti sanctorum, & hi qdem videntes ac
discernētes eos, q Schēhāphoras didi-
cissent, eosq; horribiliter allatrantes.
4. Iuuenes Christi discipuli 310. 5.
Miracula Christi non virtute diuina,
sed

sed per vocem Schemhamphoras edita. 6. Iudæ Ischariothæ volatus ad coelum, eiusq; cum Nazareno concertatio in aëre. 7. Fractio brachij Christi, eiusq; tempore Paschatos deploratio apud Christianos. 8. Brassica in ipso sanctuario, tanquam hortu brassicæ nata, ex qua centum libræ feminis fuerint collectæ, tantæque magnitudinis, vt robustior fuerit trabes lignea, & ad suspendium Nazareni apta. Talibus verò ludibrijs Satanæ, & efficacibus illusionibus digni sunt illi, qui Filium Dei, Regem suum, totiusq; mundi saluatorem, tot contumelijs affecerant, in crucem egerant, vindictam sanguinis illius preciosi atq; innocentissimi ipsi petierant, quiq; maiorum suorum vestigijs insistent.

Illa verò ideò recitare volui, vt intelligatur, quæ sit illa Cabala, quam totam solus Messiah percepisse dicitur.

tur, nimirum illud ipsum Schemhāphorāsch, cuius virtute miracula à Iesu Nazareno edita impiè ac blasphemè mentiuntur Iudæi. Quid obsecro tibi videtur de eo, qui blasphemias istas Iudaicas, in contumeliam veri Messia & religionis Christianæ ab ipso Diabolo excogitatas, sub suo nomine in lucē emisit, necdum reuocavit? Nunquid in mentem tibi venit venenatissima illa viperarū progenies, quæ miracula Christi diabolorum principi Beelzebub, contra conscientia suæ testimonium attribuire non erubuit, hāc q; blasphemia in ipsum spiritum sanctum peccavit? Quid enim iuvat Iesum illum Nazarenum appellatio Messia, qua Iudæi ipsum non dignantur, si miracula sua non virtute diuina, sed arte cabalistica edidit? Quod si verum esset, sequeretur illum nec Dei filium, nec Messiam fuisse, id quod Iudæi isto suo

suo blasphemio figmento probare conantur. Quid enim opuserat illi disciplina cabalistica perceptione, si propria eaq, diuina virtute miracula edere, & ægros sanare potuit? Aut ostendat nobis Pistorius, in quẽ finem Messias Cabalam perceperit, si eius virtute miracula ab ipso edita fuisse negare voluerit? Hic enim docere instituit, quid in magico illo curationis opere Cabala præstare queat, quam totam solum Messiam percipisse affirmat.

PISTORIUS.

Quid igitur amplius? Tacendum est, ne deuoremur ab Azazele per iudicij proprietatem.

GLOSSA.

Hic parum absuit, quin artem istam dæmoniacam, eiusq; directorem paulò clariùs in lucem dedisset: sed prohibitus fuit ab Azazele, qui & ipse vnus esse dicitur ex ordine dæmonum, quorũ præceptis imbutus fuit Pistorius.

Azaze-

Azazelem enim Iudæi vocant
dæmonē fauientē in cadauera mor-
tuum, sic enim de illo scripsit Cor-
nelius Agrippa de vanit. scient. cap.
45. de Goëtia & Necromātia: vt aiunt
magistri Hebræorum, omne corpus
nostrum & carnale animal, quicquid
in nobis super materia carnis malè
disposita innititur, relinquitur in ci-
bum serpenti, & vt ipsi vocant Aza-
zeli, qui est domin⁹ carnis & sangui-
nis, & princeps huius mundi, & vo-
catur in Leuitico princeps deserto-
rum, cui dictum est in Genesi: Ter-
ram comedes omnibus diebus vitæ
tuæ. Et in Esaia: Puluis panis tu-
us, hoc est, corpus nostrum crea-
tum ex puluere terræ, quandiu
non fuerit sanctificatum, & trans-
mutatum in melius, vt non am-
plius serpentis, sed DEI sit effe-
ctum, videlicet ex carnali spiritu-
ale, iuxta verbum Pauli dicentis :
semina-

feminatur quod animale est, & resurget quod spirituale est. Et alibi: Omnes quidem resurgent, sed non omnes immutabuntur, quia multi remansuri sunt in perpetuum cibū serpentis. Hæc Agrippa.

Paulus Scalichius in conclusionibus de Mundo infernali, Concl. 48. Cū moritur homo, corpus in terram reuertitur, de qua sumptum est: Mens vnde descendit, remeat naturaliter. Caro derelicta linquitur in potestate dæmonis Zazelis.

Nos verò de corporibus piorum longè melius ex verbo Dei sumus edocti, quòd nimirum serpenti illi antiquo nihil iuris in illos competit, sed DOMINVS custodiat omnia ossa eorum, ita vt vnum ex his non conteratur, quodq; in cubilibus suis securè quiescant, donec transeat indignatio: idq; virtute mortis & resurrectionis Christi, qui ideo mortuus

Psal. 34.
Esa. 26.

Rom. 14.

tuus est & resurrexit, vt mortuis ac
viuentibus dominetur.

Hanc ob causam, vt & ad vitan-
dam spirituum reuocationem, quã
ante completum annum à discessu
ex corpore fieri posse Geëtici, Magi
verò necromantici naturalibus qui-
busdã viribus ac vinculis fieri posse
autumãt, ab antiquis Patribus ordi-
natum scribit Agrippa, vt corpora
mortuorum sepelirentur in loco sa-
cro, & luminibus socientur, aqua be-
nedicta aspergantur, thure & incen-
so suffumigentur, & expientur ora-
tionibus, quousq; super terram exti-
terint. Quasi verò serpens ille an-
tiquus, luminibus, aqua benedicta,
suffitu ac similibus ineptijs se arceri
patiatur, qui reputat ferrum quasi
paleas, & æs quasi lignum putridũ,
quem non fugat sagitta, quiq; mal-
leum velut stipulam æstimat, ac deri-
det vibrantem hastam. Iob. 41.

H

rem

rem verò Pistorius metu proprietas
 iudicij Azazelis tacendum, digi-
 roq; labellum compescendum esse
 putarit, constat ex regulis eorum,
 q̄ occulta occultorum occulta scru-
 tantur, hoc est, τὰ περίεργα πράξαν-
 ταν, vel curiosas artes exercentium,
 sicut Actor. 19. appellantur, quas
 recenset Paulus Scalichius in Thesi-
 bus mysticæ Philosophiæ Art. 10. O-
 portet vt is qui ad occulta occulto-
 rum ascendere cupit, sit purus, vt
 aqua sit proportio subiecti & obie-
 cti: aliàs frustra teret tempus, oleum
 & operam perdet. Quo fit, vt is,
 quem inanis cupido gloriæ tenet,
 quem pecunia & vermis conscientie
 obruit, qui circa terrestria occu-
 patus est, ad tam sancta, homine
 sancto, tamq; alta, alto scrutatore di-
 gna, minimè contendat, si enim diu

Picus in DCCC. erit in opere (secundum Picum) mo-
 condes. rietur ex brassica: & si errabit in ope-
 fol. 109. re,

re, aut non purificatus accefferit, deuorabitur ab Azazele per proprietatem iudicij.

Quoniam igitur Pistorium gloriae ac pecuniae cupido tenet, sine dubio etiam vermis conscientiae propter *δυσωσίσαν* rodit: caueat sibi diligenter, ne deuoretur ab Azazele per iudicij proprietatem. Tales enim homines ad istius principis iurisdictionem proprie pertinent, isq; iam pridem ad deglutendum illum os suum latissime aperuit, Plures autem interueniente fideli ipsius opera attrahere desiderat.

PISTORIUS.

DEo enim in his silentiū, Laus ut Psalmographus canit, Mergat se quaecunq; anima potest in pateram, quam Deus mente impleuit, & credat se ad eum redituram, qui demisit, vbi suum noscat, cuius gratia nata sit,

GLOSSA.

H 2

Egregia

Egregia verò accommodatio Psal-
mi sexagesimi quinti, cuius ini-
tium est: Tibi in silentio laus ó DE-
VS in Sion: in quo gratiæ Deo a-
guntur pro beneficijs in Ecclesiam,
Politiam & Oeconomiam largiter
collatis: de arte verò cabalistica, vel
silentio in his rebus seruando, altis-
simum est silentium.

De patera quoq; illa mente di-
uinitus impleta, in libris sacris altū
est silentium. In prophanis verò
scriptis, pateræ, non mente, sed me-
ro vel cruore impletæ reperiuntur.
Phrasin igitur istam ex Magorum oc-
cultis mutuata esse apparet, in Phi-
losophia absurdam. Mentis enim
incorporeæ, patera corporea capax
esse, eademq; impleri nequit. Multi
sperant se ad eum redituros, qui ani-
mam dedit, sed fores inuenient clau-
sas, teste Christo Matth. 7. Luc. 13.
Matth. 25. cuius præcipua causa est,
quòd

quòd non mergunt se in pateram,
 siquidem hac phrasi vtilicet, qua so-
 la vehitur ad astra.

PISTORIUS.

QUAMOBREM illud nobis stabilitum sit,
 VERBIS QVIBVSDAM PER-
 SPICVAS AGENDI VIRES IN-
 ESSE: relinqui autem disciplinam solam hanc,
 quæ NOMINA tractat, dignam sacerdoti-
 bus viris, dignam philosophis, dignam superis
 & Regibus.

GLOSSA.

Quia nec verbis nec nominibus
 perspicuæ vel occultæ ad agē-
 dum vires insunt, vti suprà demon-
 stratum: & Pistorius ipse fassus est,
 insipientem esse, qui verba tanquā
 σοφίσματα credat agēdo excellere: nec
 DEVS per verba, aut Nomina, sa-
 nationes in corporibus humanis ef-
 ficere consuevit: certo certius est, ef-
 fectus, si quis sequitur, causam, vel
 efficientem, vel instrumentalem,

H. 1. nec.

Disquis.
magic.
lib. 2.

Quæst. 4.
pag.
322.

nec in verbis, nec in nominibus ipsis
sed in occulto vel in aperto oratoris
magici cum Diabolo commercio sub-
sistere. Omnes enim operationes
magicæ, teste Martino Delrio, Pisto-
rij in Religionis professione socio,
velut basi innituntur pacto per Ma-
gos cum Damone inito: ita ut quo-
tiescunq; collibitum mago aliquid
efficere ad miniculo artis suæ, expre-
ssè vel implicite teneatur à Damone
poscere, ut ex condicto concurrat.

Disciplinam igitur istam homi-
nibus Christianis indignam, sacer-
dotibus verò gentilium, superis dæ-
monibus, mundi principibus, tene-
brarum rectoribus dignam, anathe-
matis fulmine ab Ecclesiæ limitibus
propulsandam, & ad orcum cum o-
mnibus, qui eam profitentur, rele-
gandam: Regum deniq; ac prin-
cipum catholicorum animaduersio-
ni severissimæ committendam, con-
sentien-

sentientibus votis iudicant, vnoq; ore fatentur omnes, qui nonnulla voluntatis diuinæ, religionis catholica, æternæq; salutis cura afficiuntur.

Prohibita enim & damnata est isthæc disciplina magica, primum ipsius DEI voce & scripto, in primo Decalogi præcepto: Non habebis Deos alienos coram vel præter me. Isti verò homines præter Deum, Diabolum inuocant, hostem Dei & generis humani, quem Pistorius cum Iudæis Christiani nominis hostibus, Ensoph vocat, Ophitarum more, qui serpentem illum, qui Heuam seduxit, velut sapientiæ authorem coluisse scribuntur. Ab illo ipso Pistorius eam quam iactat sapientiam didicit.

Deinde quòd venerandum Dei nomen **YHWH**, ad operationes istas magicas vsurpatur, horribilis & execrandus committitur abusus nomi-

nis diuini, contra secundum primæ
 tabulæ præceptum: Non assumes
 nomen Domini Dei **את שם יהוה**
אלהיך in vanum. Non enim habe-
 bit infontem **DOMINVS** cum,
 qui assumpserit nomen Domini Dei
 sui in vanum **לשון** ad res vanas, inu-
 tiles, multò minus insons habebi-
 tur, si ad incantationes & operatio-
 nes magicas eo fuerit abusus.

Tertiò pugnat hoc vel occul-
 tum vel apertum cum Diabolo com-
 mercium, cum fide **DEO** creatori,
 redemptori & sanctificatori nostro,
 in nostri adoptione & inscriptione
 in album Ecclesiæ data, quando sa-
 cro sanctum baptismum suscepturi,
 & in foedus gratiæ recipiendi, renū-
 ciauimus Diabolo & omnibus ope-
 ribus illius. Fit igitur homo hac di-
 sciplina imbutus, erga Deum foedi-
 fragus & periurus, omnium quoq;
 benefi-

beneficiorum in baptismo acceptorum iacturam facit.

Quartò, DEVS ipse omnes artes magicas seuerissimè prohibuit. Magistratui quoq; gentis Israëliticæ mandauit, vt in illos pro delicti atrocitate animaduertat, eosq; tanquam sceleratos ac blasphemos lapidibus obrui curet. Leuit. 19. v. 31. Non declinetis ad Magos, nec ab ariolis aliquid sciscitemini, vt polluamini per eos. Ego DOMINVS Deus vester. Eodem libro cap. 20. vers. 27. Vir siue mulier, in quibus pythonicus vel diuinationis fuerit spiritus, morte moriantur: lapidibus obruent eos: sanguis eorum sit super illos. Vtroq; loco extant vocabula נִחֵם וְיִיָּעַר Illud Pythonem significat, vel πνεῦμα πειθικόν spiritū fatidicum, septuaginta interpretes vsi sunt vocabulo ἐγγαστήριον, ven-

H s uilo-

triloquus ~~triloquus~~, sicut vtres. Hoc
 verò significat hominem gnarum,
 sciolum, hariolum, qui præ se fert
 rerum arcanarum vel mysteriorum
 quorundam cognitionem, aut oc-
 cultis artibus, opeq; dæmonica res
 miras operatur. Deut. 18. vers. 10.
 & 11. plures aliæ species recensentur:
 Non inueniatur in te, qui ariolos
 sciscitetur, & obseruet somnia
 atq; auguria, aut maleficus, nec in-
 cantator, neq; qui Pythones consu-
 lat, nec diuinos, & quærat à mortu-
 is veritatem. Abominatio enim Ie-
 houæ est quicumq; facit hæc, & ppter
 abominationes istas Iehoua DEVS
 tuus eijcit illas (gentes) à facie tua.

Isidorus Episcopus Hispalen-
 sis, qui ante annos penè mille vixit,
 tempore Heraclij Imp. & in iure Ca-
 nonico sæpè citatur, originum libro
 octauo, titulo de Magis, appellatio-
 nes illas omnes. & plures alias dili-
 gentes

genter explicat, atq; Incantatores, q
hebraicè קַדְמָרִים, græcè ἐπωδοὶ dicun-
tur, sic definit: Incantatores dicti
sunt, qui artem VERBIS peragunt.
Ibidem paulò post addidit: Ad hæc
omnia pertinet & ligaturæ execrabi-
lium remediorum, quæ ars medico-
rum condemnat, siue in præcanta-
tionib⁹, siue in characteribus, vel in
quibuscunq; rebus suspendendis at-
que ligandis: in quibus omnibus,
ars dæmonum est, ex quadam pesti-
fera societate hominum & angelo-
rum malorum exorta, vnde cuncta
vitanda sunt à Christiano & omni pe-
nitùs execratione repudianda atque
damnanda. Hæc Isidorus, qui an-
te tot annos artem istam Pistoria-
nam, tanquam à Deo sub Incanta-
torum appellatione prohibitam, ex
dæmonum societate ortam, omni
penitùs execratione repudiandam,
damnan-

damnandam, Christianis vitandam censuit.

Quintò, Cabalistico illo & Schē-
hamphoristico abusu nominis Dei
IEHOVAH, honos ipsi soli debi-
tus, & opera ab ipso Iehouah imme-
diatè facta, miro Sathanæ artificio,
Angelis tribuuntur. Dicunt enim
Tetragramaton illud יהוה comple-
cti septuaginta duos angelos. Iod in
arithmetica hebræa designat decem:
He quinq;: Vau sex: He alterum,
Quinq;: Inde numerum 72. ex qua-
tuor illis literis colligunt: Iod 10.
Iod He 15. Iod He Vau 21. Iod He
Vau He 26. sicq; Iod quater, He ter,
Vau bis, He alterum, semel ponitur.
Isti numeri coniuncti faciunt 72.

Nomina illorum Angelorum
septuaginta duorum, colligunt ex
19. 20. & 21. versu capitis decimi
quarti Exodi, in quo transitus Isra-
elitarum per mare rubrum, & Egy-
ptiorum

ptiorum suffocatio describitur, ubi in singulis illis versibus reperiuntur literæ septuaginta duæ, quæ coniunctum faciunt literas 216. Ex illis ducentis sedecim literis, constituunt voces nihil significantes septuaginta duas, de m ex primo versu primâ, ex secundo postremam, ex tertio iterum primam sumunt: deinde ex primo versu secundâ, ex secundo penultimam, ex tertio iterum secundâ, sicq; deinceps: Has voces, quarum singulæ tres literas complectuntur, aiunt esse nomina septuaginta duorum Angelorum, quibus Schemhamphorasch, id est, nomen expositorium illud magnum atq; *αὐτὸν φά-* *μενον* inenarrabile summi Dei constare perhibent.

Hos aiunt esse Angelos fortes vniuersæ terræ: per hos Mosen manu sua mare vsq; ad siccum diuisisse, quoniam ipsi sint angeli diuisionis.

Reuch.
de art.
Cabalist.
lib. 3. fo.
55. b.
Scalich.
Encyclo.
pag. 94.

nis. His Angelorum præfectis vel principibus, omnes gentes in portentum traditas esse scripsit Rabi Joseph Ben Carnitol celebris Cabalista.

Reuchl. Hos colunt, venerantur, invocant Cabalists, hoc certis quibus-

ibid. fol. 59. 57. dam signis, characteribus & voce compellant: in hos fiduciam quasi anchoram figunt: per hos miranda operantur, teste Rabi Mnahem Recanat, qui in Commentarijs Exod. 14. scripsit, hos characteres, & has literas, quæ nomina septuaginta duorum Angelorum complectantur, esse characteres volantes supernè in fundamento sapientiæ spiritualis, & esse administratorios spiritus seu præfectos ad faciendum omnem rem per eos, & operationes eorum esse

Reuchl. notas Cabalists. Hos aiunt, intimam cum Angelis illis colere amicitiam, per quam aliquando res admirandas, vulgò miracula, conficiant,

de arte
Cabal.
l. b. 1. fo.
23. b.

ita

Ita vt Rabi Meir per nomen diuinū
 vel ab Ethnico prolatum, vxoris suæ In exor
 sororem, in lupanari vi prostitutam Portale
 præsauerit, vt à nullo ganeorum cis.
 quantumuis robusto violari aut stu-
 prari potuerit: Tanq̃; facilem fuisse
 patrum memoria Cabalisticis miracu-
 lorum per nomina lucis & Angelo-
 rum operationem, vt ab inuidis sæ-
 pè versuti magici cognominaren-
 tur, quasi illa opera non perfecisset
 Michaël, sed Samaël per incantatio- Wert
 nes Aegyptiacas. De his quoq; frig.
 miraculis Vaticinium Christi intelli-
 gendum esse videtur, vbi ait: Pseu- Matth
 doprophetas edituros signa magna 24.
 & prodigia, ita vt in errorem indu-
 cantur, si fieri possit, etiam Electi.

Quandoquidem verò figmen-
 tum istud Cabalisticū, de septuaginta
 duobus Angelis, in Tetragrammato
 latentibus, eorumque nominibus,
 nullum prorsus habet fundamen-
 tum:

Ephes 2.

tum : sed mera est speculatio exca-
 catorum Iudæorum, in quibus tan-
 quam filijs incredulitatis Satan su-
 am habet ἐνέπρεταιν : dubium non est,
 quin ex Dæmonū instinctu, omnes
 istæ nugæ ac prophanationes nomi-
 nis diuini sint ortæ, qui hoc modo
 vero atq; omnipotenti Deo lehouæ,
 qui olim sanctis patribus apparuit,
 per Moſen miracula edidit, popu-
 lumq; suum per mare rubrum, de-
 sertum ac Iordanem, in terram Cha-
 naan introduxit, quiq; secundum
 carnem, quam in plenitudine tem-
 poris assumpsit, potestati in omnes
 gentes, omnemq; ἐξουσίαν in cælo &
 in terra accepit, honorem debitum
 adimere conati fuerunt. Quia et-
 iam inter bonos Angelos nulli sunt,
 quibus nomina illa barbara compe-
 tant, facili coniectura assequi licet,
 qui angeli hunc sibi vendicent ho-
 norem, quiq; istis nominibus voca-
 ti, vir-

si virtutem exerceant. Nam & gentiliū dæmones, vt supra dictum est, barbaris potissimū nominibus delectabantur. Et non significatiuæ voces ex lingua præsertim hebræa deriuatæ, ac Dei voce formatæ, plus virtutis in operationib⁹ magicis habere creduntur, quàm significatiuæ.

Iambli-
de My-
sticis,
C. de no-
minibus
diuinis.
Pic. Mi-
rand. fol.

Sexto. Damnatum est hoc ge- 105.

nus curationis, multis legibus in se-
cūda parte Decreti Causa 26. quæst.
2. c. 6. Omnes artes huiusmodi vel
nugatoriæ, vel noxiæ superstiti-
onis, ex quadam pestifera societate
hominum & dæmonum, quasi pa-
cta infidelis & dolosæ amicitia con-
stituta, penitus sunt repudianda &
fugiēda Christiano. Inter illas artes
ibidē referuntur ligaturæ atq; reme-
dia, quæ Medicorum quoq; discipli-
na condemnat. Ibidē cap. 7. Omnis
inquisitio, & OMNIS CVRATIO,
quæ à diuinis & Magis, vel ab ipsis

I

dæmo-

dæmonijs in idolorū cultura expetitur, mors potius dicenda est, quàm vita, & qui ea sectantur, si se non correxerint, ad æternam damnationem tendunt.

Eadem 26. Quæst. 5. c. 1. Si quis ariolos, aruspices, vel Incantatores obseruauerit, aut phylacterijs usus fuerit, anathema sit. c. 4. ex Concilio Laodicensi: Non oportet sacris officijs deditos, vel Clericos, Magos aut incantatores existere, aut facere phylacteria, quæ animarum suarum vincula comprobantur. Eos autem qui talibus rebus vtuntur, proijci ab Ecclesia iussimus. C. 5. ex Concilio Tolerano 4. Si quis Episcop⁹, aut presbyter, siue diaconus, vel quilibet ex ordine clericorum, Magos aut aruspices, aut Incantatores, aut ariolos, aut certè augures, vel sortilegos, aut qui pſitentur artem magicā, aut aliquos eorum similia exercentes, consuluisse

esse fuerit reprehensus, ab honore
 dignitatis suæ suspensus monasterij
 curam suscipiat, ibiq; poenitentia p- Nisi Ca-
 petuæ dedit, scelus admissum sacri- puzinorū
 legij soluat. C. 11. ex Concil. Cartha- vel Fran-
 ginenfi 4. Augurijs vel Incantatio- ciscanorū
 nibus seruientem, similiter & iudai- ordinem
 cis superstitionibus, vel ferijs inhæ- maturè as-
 rentem, à conuentu Ecclesiæ separā- sumat Pi-
 dum præcipimus. C. 12. Episcopi, co- storū, sce-
 rumq; ministri, omnibus modis ela- lus admis-
 borare studeant, vt perniciosam & à tum vix
 Diabolo inuentam fortilegā & ma- soluet, vt-
 gicam artem, ex parochijs suis peni- potè qui
 tūs eradicent: & si aliquem virū aut non tan-
 mulierem, huiusmodi sceleris se- tūm con-
 ctatorem inuenerint, turpiter deho- suluit Ma-
 nestatum de parochijs suis eijciant. gos & In-
cantato-

Eadem 26. Quæst. 7. c. 15. Ad-
 moneāt sacerdotes fideles populos,
 vt nouerint magicas artes incantati-
 onesq;, qbuslibet infirmitatib; ho-
 minū nihil remedij posse conferre,

non animalibus languentibus claudicantibusue, vel etiam moribundis quicquam mederi: non ligaturas offum vel herbarum cuiquam mortuum adhibitas prodesse: sed hæc esse laqueos & insidias antiqui hostis, quibus ille perfidus, genus humanum decipere nititur. Et si quis hæc exercuerit clericus, degradetur, Laicus anathematizetur.

Secundum has leges, Pistorius ad maiores honores, quibus omniconatu inhiat, nullo modo admitendus: sed degradandus, imò ab Ecclesiæ communione separandus & proijciendus, aut sanè à dignitatis, quam sua *δοξασία*, & officijs sedis Romanæ præstitis adeptus est, honore suspendendus, ac poenitentia monasteriali, eidemq; perpetua, tradendus erit.

FINIS.

